

漢書取火第一

漢書取火第一


				漢書門
	一	二	三	
二	四	七	四	
冊	架	函	號	類

庫	文	閣	內
三	三	三	漢書
函	架	冊	號
架	架	架	類

內閣文庫	
番號	漢 12134
冊數	3 <sup>2</sup> (2 <sup>1</sup> )
函號	304 284

漢書取火第一



304-249





鍼灸聚英引

扁鵲有言疾在腠理熨炳之所及在血脉鍼巧之所及  
其在腸胃酒醪之所及是鍼灸藥三者得兼而後可與  
言醫可與言醫者斯周之十全者也曩武謬以活人官  
之術止於藥故棄鍼與灸而莫之講每遇傷熱入血室  
閃挫諸疾非藥餌所能愈而必俟夫刺者則束手無策  
自愧技窮因悟治病猶對壘攻守竒正量敵而應者將  
之良鍼灸藥因病而施者醫之良也思得師指而艱其  
人未之遠近以鍼鳴者各出編集標幽玉龍肘後流注  
神應等書其於撚鍼補瀉尚戾越人從衛取氣從榮置  
氣之說復取素難而研精之旁究諸家又知素難為醫  
之鼻祖猶易為揲著未卦之原諸家醫流加以錢擲曰



304-57A



子起卦勾陳玄武騰蛇龍虎斷吉之似易而亂易也後  
世鍼灸亦若是爾嗚呼不翹其原則昧夫古人立法之  
善故嘗集節要一書矣不窮其流則不知後世變法之  
弊此聚英之所以纂也安故徂近者猶曰易窮則變變  
則通通則久是以詩變而騷君子取之郡縣者封建之  
變租庸者井田之變後人因之固足以經國治世矣怪  
於鍼灸之變法哉奚是古非今為哉豈知封建井田變  
而卒莫如周之延祚八百鍼灸變而卒莫如古之能收  
功十全如使弊法而可因則彼放蕩踰閑者可以為禮  
以之安上治民妖淫愁怨者可以為樂以之移風易俗  
哉夫易謂窮斯變通久素難者垂之萬世而無弊不可  
謂窮不容於變而自通且久也周子謂不復古禮不變

今樂而欲至治者遠然則不學古醫不變今俗而欲收  
十全之功者未之有也茲續編諸家而折衷以素難之  
旨夫然後前人之法今時之弊司命者知所去取矣時

嘉靖己丑夏六月六日四明梅孤高武識



鍼灸聚英集用書目

難經見節

素問內經見節

子午經一卷論鍼灸之要撰成歌訣後人依托扁鵲者  
銅人鍼灸圖三卷宋仁宗詔王維德考次鍼灸之法鑄  
銅人為式分府藏十二經旁註俞穴所會刻題其名  
并為圖法并主療之術刻板傳於世夏竦為序然其  
竅穴比之靈樞本輸骨空等篇頗亦繁雜也

明堂鍼灸圖三卷題曰黃帝論人身俞穴及灼灸禁忌  
曰明堂者謂雷公問道黃帝授之亦後人所依託者  
存真圖一卷晁氏謂楊介編崇寧間泗州刑賊於市郡  
守李夷行道醫併畫工往親決限摘膏盲曲折圖之



盡得纖悉介校以古書無少異者比歐希五藏圖過  
之遠矣實有益醫家也王莽時捕得翟義黨王孫慶  
使太醫尚方與巧屠共剝之量度五藏以竹筵道  
其脉知所終始可以治病亦此意

膏盲灸法二卷清源莊綽李裕所集

千金方三十卷唐孫思邈所撰用藥之方診脉之訣鍼  
灸之穴禁架之法至導引之要無不周悉曰千金者  
以為人命至重有貴千金一方濟之德愈於世議者  
謂其未知傷寒之數

千金翼方三十卷孫思邈掇拾遺軼以羽翼其書首之  
以藥錄次之以婦人傷寒小兒養性辟穀送君補益  
雜瘡癰色脉鍼灸而禁術終焉

外臺秘要唐王燾在臺閣二十年久知宏文館得古方  
書數千百卷因述諸證候附以方藥符禁灼灸之法  
凡一千一百四門天寶中出守房陵及大寧郡故名  
外臺孫兆以燾謂鍼能殺人不能起死人取灸而不  
取鍼譏其為醫之蔽

金蘭循經元翰林學士忽赤必列所著其子光濟銓次  
大德癸卯平江郡文學嚴陵郡文龍為之序首繪藏  
府前後二圖中述手足三陰三陽走屬繼取十四經  
絡流注各為註釋列圖於後傳之北方自恒山董氏  
錢梓吳門傳者始廣自滑氏註十四經發揮而人始  
嫌其簡畧矣

濟世拔萃十九卷一卷取鍼經節要二卷保赤潔古而云云



鍼法竇氏流注三卷鍼經摘英首鍼法以倣古制也  
巡柘間杜思敬所撰者

鍼經指南古肥竇漢卿所撰首標幽賦次定八穴指法  
及叶蟄宮圖頗於素問有不合者

鍼灸雜說建安竇桂芳類次取千金禁忌人神及離合  
真邪論未能曲盡鍼灸之少

資生經東嘉王執中叔權取三百六十穴背面顛末行  
分類別以穴屬病蓋合銅人千金明堂外臺而一之  
者也

十四經發揮三卷許昌滑壽伯仁傳鍼法於東平高洞  
陽得其開闔流注交別之要至若陰陽維蹻帶衝六  
脉皆有繫屬而惟督任二經則包乎背腹而有專穴

諸經滿而溢者此則受之宜與十二經並論及靈樞  
本篇所述經脉著十四經發揮通考遠穴六百五十  
有七而施治功以盡醫之神秘



鍼灸聚英凡例

一諸書於素問難經多異少同今取其同議其異故以聚英名

一此書以經絡竅穴類聚為一卷各病取穴治法為二卷諸論鍼灸法為三卷各歌賦為四卷間或發揮一二

一周身尺寸已詳於前集素難節要今止繪圖各分寫於上以便準量取穴

一經絡俱屬於五藏六府今繪其圖於經絡之前者知外有是經則內屬是藏府也

一明堂鍼灸銅人千金翼諸書拘頭面腹手足分列膠穴殊無經絡起止次序今以滑氏十四經發揮金蘭



循經絡繪圖每經自始至終其穴主治某病以便攷經究

一資生經立諸病目以各竅穴分屬似難於閱今以各經竅穴為主以主某病分屬之倣神農本草例以穴名在前藥性隨於後

一各經竅穴或有原缺者仍舊

一標幽玉龍肘後諸歌賦今醫家皆謂其易於記誦然專事於此則鍼灸亦狹矣姑集於末卷以備參閱

一竒經八脉十二絡脉八會脉原募穴雖備於本經絡復表章於後以便分別

一前人著取穴捷法治病而不明言穴名者今攷明之

一取穴法有未明者竊議一二

一鍼灸書惟明堂同人千金濟生拔萃竇氏流注子午儘好其餘愈出愈下不合素問難經者多各附以發揮

一東垣鍼法深得素問之旨人多忽之書亦不能載各今於脾胃論中表章於世

一素難并榮俞經合主病人多不明五行生剋故不能行今以諸經是動所生補瀉生剋細為裝定以便鍼刺

一各書有關於論鍼灸備錄于卷末

一濟生拔萃於十二經并榮俞經合穴萃集各書主治病證其餘竅穴則未之及故今倣其例亦據銅人千金明堂外臺而補輯之



一經絡悉依十四經發揮流注交接次第竅穴亦依之比之銅人等書有繁難空穴皆不增入  
 一谷空穴下分寸鍼淺深艾壯多少俱備錄以便四時取用明堂經則曰明堂資生經則曰資生千金翼則曰千金明堂下經則曰明下或曰下經外臺秘要則曰外臺俱省文爾  
 一世俗喜歌賦以其便於記誦也今類聚各書歌賦置之末卷

凡例終

鍼灸聚英總目

一卷

仰人尺寸	伏人尺寸
中指寸法	五藏六府圖
手太陰經脉穴	手陽明經脉穴
足陽明經脉穴	足太陰經脉穴
手少陰經脉穴	手太陰經脉穴
足太陽經脉穴	足少陰經
手厥陰經脉穴	手少陽經脉穴
足少陽經脉穴	足厥陰經脉穴
奇經督脉穴	任脉穴
陽蹻脉穴	陰蹻脉穴



衝脉穴

陰維脉穴

十五絡脉

五藏募穴

八會穴

二卷

騎竹馬法

灸勞法

竇氏八穴

藏府并榮俞經合主治

東垣鍼法

治例雜病

陽維脉穴

帶脉穴

十二原穴

五藏俞穴

并榮俞經原合

四花穴

取腎俞

子午流注膠穴開闔

十二經是動所生病迎隨補瀉

治例傷寒

王機微義

三卷

鐵鍼

火鍼

打鍼

鍼灸傷

呼吸

十四法

四法

出鍼法

男女血氣

艾葉

點艾火

灸鍼

溫鍼

暈鍼

煖鍼

補瀉

八法

下鍼法

人身左右補瀉不同

古人不行鍼知鍼理

艾炷大小

壯數多少



阿是穴

洗灸瘡

小兒戒送灸

忌食物房勞

炷火

鍼灸避忌大乙圖

月內神人所

每月血忌

十二時忌

九部旁通神人

四季神人

四卷

治灸瘡令發

貼灸瘡

相天時

避人神

炷火先後

冬至叶塾宮說

每月血支

十二支神人

十二部神人

新忌傍通

胡侍郎奏過虎神指訣

十四經穴歌

十二經脉歌

流注指微賦

通玄指要賦

席弘賦

攔江賦

百證賦

銅人指要賦

禁灸穴歌

補寫雪心歌

十五絡穴歌

十二原穴歌

十四經步穴歌

奇經八脉歌

標幽賦

靈光賦

玉龍賦

肘後歌

天元太乙歌

禁鍼穴歌

行禁指要歌

經脉交會八穴歌

十二經脉晝夜流注歌

藏府七募穴歌



薛真人天星十一穴歌

八法八穴歌

西江月調

雜病十一穴歌

徐秋夫鬼病十三穴歌

回陽九鍼歌

四總穴歌

十干相生流注歌

十二經納天干歌

五子九建歌

周身血氣歌

脚不過膝午不過肘歌

生成數陰不過陽陽不過陰

刺法啓玄歌

提氣法歌

過關歌

流氣歌

納氣歌

提鍼歌

進鍼歌

龍虎交戰歌

龍虎飛騰歌

陽鍼男歌

陰鍼女歌

燒山火歌

透天涼歌

蒼龍擺尾歌

赤鳳搖頭歌

子午搗臼歌

梓岐風谷飛經走氣撮要金鍼賦

子午流注逐日按時定穴歌

孫真人十三鬼穴歌

八法午訣歌

八法飛騰定十干八卦歌

血忌歌

逐日人神歌

九宮屍神歌

大乙神人歌

附辯

總目畢



鍼灸聚英發揮卷之一  
五藏六府之圖



四明梅孤子高武纂集



春骨二十一節大椎三節至尾骶共二十四節素問  
肺附三椎、心附五椎、肝附九椎、脾附十一椎  
腎附十四椎

膈膜前齊鳩尾後齊十一椎周圍著脊所以遮隔濁氣  
不使上薰心肺也

胃在膈膜下小腸上 小腸在臍上 大腸當臍

膽在肝之短葉間 膀胱在腎下俱難經

心藏神肺藏魄肝藏魂脾藏意腎藏志是為五藏難經

胃大小腸三焦膀胱瀉而不藏受五藏濁氣名曰傳化之

府此不能久留輸瀉者是為六府


五藏者藏精而不瀉也故滿而不實六府傳化而不藏故

實而不能滿也所以然者以水穀入口則胃實而腸虛食

下則腸實而胃虛故曰實而不滿滿而不實也素問



面銅人圖



背銅人






側銅人




仰人尺寸





依人尺寸



手足陰陽流注

凡人兩手足各有三陰脉三陽脉以合為十二經也

三陰謂太陰厥陰少陰三陽謂陽明太陽少陽也人兩

手足各有三陰三陽脉合為十二經也詳見脉訣謂之

經者以血氣流行經常不息而言謂之脉者以血理分

表行體者而言也表音謀言相去也

手之三陰從藏走至手之三陽從手走至頭足之三陽手

從頭走至足足之三陰從足走入腹

手三陰從藏走至手謂手太陰起中焦至出大指之端

手少陰起心中至出小指之端手厥陰起胷中至出中

指之端手三陽從手走至頭謂手陽明起大指之端至

上挾鼻孔手太陽起小指之端至目內眥手少陽起小



指之端至目銳眦足三陽從頭走至足謂足陽明起於鼻至入中指內間足太陽起目內眦至小指外側端足少陽起目銳眦至入小指次指間足三陰從足入腹謂足太陰起大指之端至屬脾絡胃足少陰起足心至屬脾絡膀胱足厥陰起大指聚毛至屬肝絡膽○足三陰雖曰從足入腹然太陰乃復上膈挾咽散舌下少陰復從腎挾舌本厥陰乃復上出額與督脈會於巔兼手太陰從肺系橫出腋下手少陰從心系上肺出腋下手厥陰循胃出脇上抵腋下此又秦越人所謂諸陰脈皆至頸胸而還者也然厥陰則又上出於巔蓋厥陰陰之盡者也所以然者示陰無可盡之理猶易之碩果不食示陽無可盡之義也然易之陰陽以氣言人之陰陽以截

象言氣無形而截象有質氣陽而質陰也然則無形者貴乎陽有質者貴乎陰歟

脈絡傳注周流不息

絡脈者本經之旁支而別出以聯絡於十二經者也本經之脈由絡脈而交他經傳注周流無停息也夫十二經之有絡脈猶江漢之有沱潛也是以手太陰之支者從腕後出次指端而交於陽明手陽明之支從缺盆上挾口鼻而交於足陽明足陽明之支別跗上出大指端而交於足太陰足太陰之支從臍從胃別上膈注心中而交於手少陰手少陰則直本經少冲穴而交於手太陽不假支授蓋君者出令者也手太陽之支從臍內左右別下膈中下至小指外側端而交於足少陰足少陰



之支從肺出注胃中而交於手厥陰手厥陰之支從掌  
中循小指次指出其端而交於手少陽手少陽之支從  
耳後出至目銳眦而交於足少陽足少陽之支從肝別  
貫膈上注肺而交於手太陽也

故經脈者行血氣通陰陽以榮於身也

通結上文以起下文之義經絡之流行不息所以運行  
血氣流通陰陽以榮養於身者也不言絡脈者舉經以  
該之

其始

平旦

從中焦注手太陽

肺陽明

大腸卯時

陽明注足陽

明

胃辰時

太陰注手少陰

少陰注手少陰

心午時

太陽

小腸未時

陰

心包絡戌時

少陽

三焦亥時

少陽注足少陽

膽子時

厥陰

肝

時注

成

少陽

三焦亥時

少陽注足少陽

膽子時

厥陰

肝

時注

成

少陽

三焦亥時

少陽注足少陽

膽子時

厥陰

時注

厥陰復注手太陽

明日

始於中焦注手太陽終於注足厥陰是脈之行一周身  
也

其氣常以平旦為紀

句以漏水下百刻晝夜流行與天同

度終而復始也

氣營氣紀統紀也承上文而言經脈之行其始則起自

中焦其氣則常以平旦為紀也營氣常以平旦寅時為

紀由中焦而始注手太陽以次流行也不言血者言氣

則血行可知漏水下百刻晝夜流行與天同度者言一

晝夜漏下百刻之內人身之經脈流行無有窮止與天

同一運行也蓋天以六百三十五度四分度之一為一

周天而終一晝夜人之營衛則以五十度周於身氣行



一萬三千五百息脉行八百一十丈而終一晝夜適當  
 明日之寅時而復會于手太陰是與天同度終而復始  
 也或云晝夜漏刻有長短其營氣盈縮當何如然漏水  
 雖有長短之殊而五十度周身者均在其中不因漏刻  
 而有盈縮也



中指同身寸法

男左女右手中指第二  
 節內延兩橫紋相去為  
 一寸取稻稈心量或用  
 薄竹量則易折用蠟紙  
 則粘手不應用繩則有  
 伸縮不準用稻稈心則  
 易得而有準



手太陰肺經



肺藏





肺藏大腸為府

肺重三斤三兩六葉兩耳凡八葉四垂如蓋附着於脊之第三椎中有二十四空行列分布諸藏之氣為諸藏之華蓋為華蓋者以其高於諸藏難經○丁德用以木之脉脂全者方一寸為一兩兩按權衡度量起於黃鍾古之一兩今之四錢強也

西方白色入通於肺開竅於鼻藏精於肺故病在背其味辛其類金其畜馬其穀稻其應四時上為太白星是以知病之在皮毛也其音商其數九其臭腥其液涕西方生燥燥生金生辛生肺肺生皮毛皮毛生腎肺金辛主鼻其在天為燥在地為金在體為皮毛在藏為肺在色為白在音為商在聲為哭在變動為咳在竅為鼻在味為辛在志為憂憂傷肺喜勝憂熱傷皮毛寒勝熱辛傷皮毛苦

勝辛素問

腫中者臣使之官喜樂出焉

肺者氣之本魄之處也其華在毛其充在皮為陽中之太

陽通於秋氣素問

肺之合皮也其榮毛也其主心也○肺氣通鼻鼻和則知

香臭矣難經

肺氣虛則使人夢見白物見人斬血藉藉得時則夢見兵

刃血戰秋三

肺色白欲如鵝毛不欲如鹽素問

肺白象金金得水而沉肺得水而浮何也肺者兆為純金也辛商也丙之柔大言陰與陽小言夫與婦釋其微陰昏而乾火其意樂火又行陽道多故肺得水而浮也肺熱而



復沉者辛當歸庚物極則反也註難  
肺氣絕則皮毛焦肺氣行於皮毛氣弗榮則皮毛焦皮毛  
焦則津液去津液去則皮節傷皮節傷則皮枯毛折毛折  
者則先毛死丙日篤丁日死註難

### 肺經

手太陰之脉起於中焦下絡大腸還循胃口上膈屬肺起  
發也絡繞也還復也循巡也又依沿也屬會也中焦者  
在胃脘當臍上四寸之分大腸註見本經胃口胃上下  
口也胃上口在臍上五寸上腕穴下口在臍上二寸下  
腕穴之分也膈隔也凡人心下有膈膜與脊脇周回相  
著所以遮隔濁氣不使上薰心肺也手太陰起中焦受  
足厥陰之交也由是循任脉之外足少陰經脉之裏以

次下行當臍上一寸水分穴之分繞絡大腸手太陰陽  
明相為表裏也乃復行本經之外上循胃迤邐而屬  
會于肺榮氣有所歸於本藏也

從肺系橫出腋下循臍內行少陰心主之前下肘中

肺系謂喉嚨也喉以候氣下接於肺肩下脇上際曰腋  
膊下對腋處為臑肩肘之間也臑盡處為肘肘臂節也  
自肺藏循肺系出而橫行循胸部第四行之中府雲門  
以出腋下循臍內懸天府俠白行手少陰心主之前  
下入肘中抵尺澤穴也蓋手少陰循臍臂出手小指之  
端手心主循臍臂出中指之端手太陰則行乎二經之  
前也

循臂內上骨下廉入寸口上魚句循魚際出大指之端



肘以下為臂廉隅也邊也手掌後高骨旁動脈為闕闕  
前動脈為寸口曰魚曰魚際云者謂掌骨之前大指本  
節之後其肥肉隆起處統謂之魚魚際則其間之穴名  
也既下肘中乃循臂內上骨之下廉歷孔最列缺入寸  
口之經渠太淵以上魚循魚際出大指之端至少商穴  
而終也端杪也

其支者從腕後直出次指內廉出其端

臂骨盡處為腕脈之大隧為經交經者為絡本經絡於  
出大指之端矣此則從腕後列缺穴達次指內廉出其  
端而交於手陽明也

是經多氣少血○平旦寅時氣血注此○受足厥陰  
之交○凡十一穴左右共二十二穴○手之陰陽其

受氣之道近其氣之來疾刺深無過二分其留無過

一呼過此者則脫氣

中府

一名膺

○雲門下一寸乳上三肋間動脈應手陷中去

中行六寸○肺之募

募猶結募也言經氣聚此

足太陰脾脈之會○

銅人鍼三分留五呼灸五壯

埤雅云壯者以壯人為法也

○主腹脹

四肢腫食不下喘氣胸滿肩背痛嘔呃欬逆上氣肺系

急肺寒熱胸悚悚膽熱嘔逆欬唾濁涕風汗出皮膚面

腫少氣不得卧傷寒胸中熱飛尸遁症癰瘤

雲門○巨骨下俠氣戶傍二寸陷中動脈應手舉臂取之

去胸中行任脈兩旁相去各六寸○素註鍼七分銅人

鍼三分不宜深深則使氣逆灸五壯○主傷寒四肢熱

不已欬逆短氣氣上衝心胸脇徹背痛喉痺肩背痛臂



不得舉瘰氣

天府○腋下三寸臂臑內廉動陷中以鼻取之○甲乙禁灸灸之使人逆氣銅人鍼四分留七呼素註留三呼銅人灸二七壯至百壯資生云非大急不灸○主暴瘰內逆肝脉相搏血溢鼻衄血不止卒中惡風邪氣泣鼻出喜忘飛尸惡症鬼詭遁下喘不得息瘡寒熱目眩遠視眈眈瘰氣

夾白○天府下去肘五寸動脉中○銅人鍼三分灸五壯○主心痛短氣乾嘔煩滿

尺澤○肘中約紋上動脉中甄權云屈肘橫紋筋骨罅陷中手太陰肺脉所入為合水肺實瀉之○素註鍼三分留三呼灸三壯明堂禁灸銅人灸五壯資生同素問刺

肘中內陷氣歸之為不屈伸○主肩背痛汗出中風小便數而欠溺色變卒遺失無度面白善噎悲愁不樂欲哭洒淅寒熱風痺癱肘攣手臂不得舉喉痺上氣嘔吐口舌乾欬嗽唾濁痰瘧四肢腹暴腫臂寒短氣心痛肺脹膨缺盆中心煩悶亂少氣不足以息勞熱風汗出膨中風小便數而欠上氣喘滿腰脊強痛肺積息奔小兒慢驚風

孔最○去腕上七寸○銅人灸五壯鍼三分○主熱病汗不出欬逆肘臂厥痛屈伸難手不及頭指不握吐血失音咽腫痛頭痛

列缺○手太陰絡別走陽明○去腕側上一寸五分滑肉曰以手交叉頭食指末筋罅中○銅人鍼二分留三呼

銅人針灸筋字下有骨字



瀉五吸灸三壯明堂鍼三分日灸七壯至七七壯○主  
偏風口面喎斜手肘無力半身不遂掌中熱口噤不開  
寒熱嘔沫咳嗽善笑縱唇口健忘溺血精出陰莖痛  
小便熱癰驚妄見面目四肢癱腫肩痺胸背寒慄少氣  
不足以息尸厥寒厥交兩手而脅實則胸背熱汗出四  
肢暴腫虛則胸背寒慄少氣不足以息

○素問云實則手銳掌熱瀉之虛則欠故小便遺補之

按素問曰直行者謂之經旁出者謂之絡手太陰之  
支從腕後直出次指內廉出其端是列缺為太陰別  
走陽明之絡人或寸關尺三部脈不見自列缺至  
陽谿脈見者俗謂之反關脈此經脈虛而絡脈滿十  
金翼謂陽脈逆反大於寸口三倍惜叔和尚未之及

### 而况高陽生哉

經渠○寸口陷中○肺脈所行為經金○素註鍼三分銅  
人鍼二分留三呼禁灸灸傷人神明○主癰寒熱胸背  
拘急胸滿膨膨喉痺掌中熱欬逆上氣數欠傷寒熱痛  
汗不出暴痺喘促心痛嘔吐

太淵

一名太泉  
避唐祖諱

○掌後陷中肺脈所注為俞土肺虛補之

○難經曰脈會太淵疏曰脈病治此○平旦寅時氣血  
從此始故曰寸口者脈之大要會手太陰之動脈也○  
銅人灸三壯鍼一分素註鍼二分留二呼灸三壯○主  
胸痺逆氣善噦嘔飲水欬煩寃不得眠肺脹膨膨臂  
內廉痛目生白翳眼背赤筋眼痛眼青轉筋乍寒乍熱  
缺盆中引痛掌中熱數欠肩背痛寒喘不得息噫氣上



逆心痛脉潘咳血嘔血振寒咽乾狂言口噤溺色變卒  
遺失無度

魚際○大指本節後內側陷中又云散脉中肺脉所溜為  
榮火○銅人鍼一分留三呼明堂素註鍼二灸三壯素  
素問刺牛魚腸內陷為腫○主酒病惡風寒虛熱舌上  
黃身熱頭痛欬嗽傷寒汗不出痺走胸背痛不得息  
目眩煩心少氣腹痛不下食肘掌肢滿喉中乾燥寒慄  
鼓頰欬引尻痛溺出嘔血心痺悲恐乳癰○東垣曰胃  
氣下溜五藏氣亂皆在於肺者取之手太陰魚際足少  
陰俞

少商○大指端內側去爪甲角如韭葉白肉際宛宛中肺  
脉所出為井本○銅人鍼一分留三呼馮五吸不冝灸

素註留一呼明下灸三壯甲乙灸一壯○主頷腫喉閉  
煩心善嘔嘔心下滿汗出而寒欬逆痰癰振寒腹滿唾  
沫辰乾引飲食不下膨膨手攣指痛掌熱寒慄鼓頰  
中鳴小兒乳鵝○唐刺史成君綽勿頷腫大如升喉中  
閉塞水粒不下三日甄權以三稜鍼刺之微出血立愈  
洩截熱也

按難經曰諸井者肌肉淺薄不足為便也刺井者當  
刺榮甄權寫井而療喉痺杜寶善類聚井穴主治病  
證者難經曰井主心下滿又曰春刺井蓋並行而不  
悖也

或問素問註銅人明堂千金諸書於膠穴有宜鍼灸  
有禁鍼灸刺淺刺深艾壯多寡不同將孰從哉武曰



一穴而有宜鍼禁鍼宜灸禁灸者者病勢輕重緩急  
病輕勢緩者當別用一主治穴以代之若病勢重急  
倘非此穴不可療當用此一穴若諸書皆禁鍼灸則  
斷不可用矣鍼淺艾多少則以素問十二經淺深深  
刺法為主諸書相參互用之不可偏廢也經曰春夏  
刺淺秋冬刺深肥人刺深瘦人刺淺故在春夏與瘦  
人當從淺刺秋冬與肥人當從刺深又曰陷下則灸  
之陷下不甚者灸當從少陷下甚者灸當從多又寒  
涼之月火氣衰灸當從多溫暑之月火氣旺灸當從  
少又肌肉淺薄窈穴刺淺艾少肌肉深厚窈穴刺深  
艾多又春與夏不同秋與冬不同肥瘦有適中者有  
過肥而壅腫者有大瘦而骨立者以意消息不可執

一論也又大人與小兒刺淺深艾多少不同又人頭  
面及小兒宜毫鍼艾炷如小麥也




手陽明大經之圖



大腸 肺之府

大腸上口小  
腸下口也



大腸下接  
直腸直腸  
下為肛門  
穀道即後  
陰也



大腸重二斤十二兩長二丈一尺廣四寸徑一寸當臍右  
迴十六曲盛穀一斗水七升半○大腸者傳道之官變  
化出焉○大腸為白腸俱素問  
五藏各有所向腑皆相近而心肺獨去大腸小腸遠者  
何也然經言心榮脉衛通行陽氣故居在上大腸小腸  
傳陰氣而下故居在下所以相去而遠也難經  
食下則腸實而胃虛故曰實而不滿滿而不實

### 大腸陽明經穴

手陽明之脉起於大指次指之端循指上廉出合谷兩骨  
之間上入兩筋之中大指之次指謂食指也手陽明大  
腸經也凡經脉之道陰脉行手足之裏陽脉行手足之  
表此經起於大指次指之端高陽穴受手太陰之交行

於陽之分也由是循指之上廉歷三間以出合谷兩骨  
之間上入陽谿兩筋之中

循臂上廉入肘外廉上循臑外前廉上肩

自陽谿而上循臂上廉之偏歷温溜下廉上廉三里入  
肘外廉之曲池循臑外前廉歷肘髻五里臂臑絡臑會  
上肩至肩髃穴也

出髃骨之前廉上出柱骨之會上髃牛口切

肩端兩骨間為髃骨肩胛上際會處為天柱骨出髃骨  
前廉循巨骨穴上出柱骨之會上會於大椎

下入缺盆絡肺下膈屬大腸

自大椎而下入缺盆循足陽明經脉外絡繞肺藏復下  
膈當天樞之分會屬於大腸也



其支別者從缺盆上頸貫頰入下齒縫中  
頭莖為頸耳以下曲處為頰口前小者為齒其支別者  
自缺盆上行於頸循天鼎扶突上貫於頰入下齒縫中  
還出挾口交人中左之右右之左上挾鼻孔  
唇口上鼻下為人中既入齒縫復出夾兩口吻相交於  
中之分左脉之右右脉之左上挾鼻孔循木膠迎香而  
終以交於足陽明也

是經氣血俱多○卯時氣血注此○受手太陰之交  
○凡二十穴左右共四十穴○手之陰陽其受氣之  
道近其氣之未疾刺深無過二分其留無過一呼過  
此者則脫氣

商陽一名絕陽○手大指次指內側去爪甲角如韭葉手陽明

大腸脉所出為井金○銅人灸三壯鍼一分留一呼○  
主胸中氣滿喘欬支腫熱病汗不出耳鳴耳聾寒熱瘡  
瘡口乾頤頰腫齒痛惡寒肩背急相引缺盆中痛目青  
盲灸三壯左取右右取如食頃立已左

二間一名間谷○食指本節前內側陷中手陽明大腸脉所溜  
為榮水大腸實瀉之○銅人鍼三分留六呼灸三壯○

主喉痺頤頰腫肩背膈痛振寒鼻衄衄血多驚齒痛目  
黃口乾口喎急食不通傷寒水結○東垣曰氣在於臂  
足取之先去血脉後深取陽明少陰之榮俞二間三間  
三間一名少谷○食指本節後內側陷中手陽明大腸脉所注  
為俞木○銅人鍼三分留三呼灸三壯○主喉痺咽中  
如梗下齒齩痛喙卧胸腹滿腸鳴洞泄寒熱瘡唇焦口



乾氣喘目皆急痛吐舌戾頸喜驚多唾急食不通傷寒  
氣熱身寒結水

合谷

一名虎口

○手大指次指歧骨間陷中手陽明大腸脉所

過為原虛實皆按之○銅人鍼三分留六呼灸三壯○

主傷寒大渴脉浮在表發熱惡寒頭痛脊強無汗寒熱

瘡鼻衄不止熱病汗不出目視不明生白翳頭痛下齒

齟耳龍聾喉痺面腫唇吻不收瘡不能言口禁不開偏風

風癩痂疥偏正頭痛腰脊內引小兒單乳鵝○按合痛

谷婦人妊娠可瀉不可補補即墮胎詳見足太陰脾經

三陰交下

陽谿

一名中魁

○腕中上側兩筋間陷中手陽明大腸脉所行

為經火○銅人鍼三分留七呼灸三壯○主狂言喜笑

見鬼熱病煩心目風赤爛有翳厥逆頭痛胸滿不得息  
寒熱瘧疾寒嗽嘔沫喉痺耳鳴耳聾驚悸肘臂不舉痂  
疥

偏歷○腕中後三寸手陽明絡脉別走太陰○銅人鍼三

分留七呼灸三壯明下灸五壯○主肩髃肘腕痠疼眩

目眦眦齒痛鼻衄寒熱瘧疾多言咽喉乾喉痺耳鳴

風汗不出利小便○實則齧聾瀉之虛則齧寒痺鬲補

之

溫溜

一名逆注一名池頭

○腕後大士五寸小士六寸明堂在腕後

五寸六寸間○銅人鍼三分灸三壯○主腸鳴而痛傷

寒噦逆噫鬲中氣閉寒熱頭痛喜笑狂言見鬼吐涎沫

風逆四肢腫吐舌舌痛喉痺



下廉○輔骨下去上廉一寸輔銳肉分外○銅人斜鍼五分留二呼灸三壯○主飧泄勞瘵小腹滿小便黃便血狂言偏風熱風冷痺不遂風濕痺小腸氣不足面無顏色痲痺腹痛若刀刺不可忍飧泄腹脇痛滿狂走夾臍痛食不化喘息不能行唇乾涎出乳癰

上廉○三里下一寸其分獨抵陽明之會外○銅人斜鍼五分灸五壯○主小便難黃赤腸鳴胸膈偏風半身不遂骨髓冷手足不仁喘息大腸氣腦風頭痛

三里一名手三里○曲池下二寸按之肉起銳肉之端○銅人灸三壯鍼二分○主霍乳遺失音氣逆痛頰頰腫瘰癧失瘰牛臂不仁肘攣不伸中風口辟手足不隨

曲池○肘外輔骨屈肘兩骨中以手拱胸取之手陽明大

腸脉所入為合土○素註鍼五分留七呼銅人鍼七分得氣先瀉後補之灸三壯明堂日灸七壯至二百壯且停十餘日更下止二百○主繞踝風牛臂紅腫肘中痛偏風半身不遂惡風邪氣泣出喜忘風癱瘓喉痺不能言胸中煩滿臂膊疼痛筋緩捉物不得挽弓不開屈伸難風痺肘細無力傷寒餘熱不盡皮膚干燥瘰癧癩疾舉體痛癢如虫齧皮膚脫作瘡皮膚疥婦人經脉不通

肘膠○大骨外廉陷中○銅人灸三壯鍼三分○主風勞嗜臥臂痛不舉肩重腋急肘臂麻木不仁

五里○肘上三寸行向裏大脉中央○銅人灸十壯素問大禁鍼○主風勞驚恐吐血欬嗽肘臂痛嗜臥四肢不得動心下脹滿上氣身黃時有微熱瘰癧



臂臑○肘上七寸腠肉端肩髃下一寸兩筋兩骨罅陷宛  
宛中平手取之平陽明絡手足太陽陽維之會○銅人  
灸三壯鍼三分明堂宜灸不宜鍼日灸七壯至二百壯  
若鍼不得過三五分○主臂細無力臂痛不得向頭瘰  
癧頸項拘急

肩髃

一名中肩井  
一名偏肩

○膊骨頭肩端上兩骨罅間陷者宛宛

中舉臂取之有空足少陽陽蹻之會○銅人灸七壯至  
二七壯以差為度若灸偏風灸七七壯不宜多恐手臂  
細若風病筋骨無力久不差灸不畏細刺即泄肩臂熱  
氣明堂鍼八分留三呼瀉五吸灸不及鍼以平手取其  
穴灸七壯增至二七素註鍼一寸灸五壯又云鍼六分  
留六呼○生中風手足不隨偏風風癱風席風病半身

不遂熱風有中熱頭不可回顧肩臂疼痛臂無力手不

可向頭攣急風熱癰癩顏色枯焦勞氣泄精傷寒不<sup>上</sup>熱

已四肢熱諸癰氣○唐魯州刺史庫狄欽風痺不得挽

弓甄權使欽毅弓矢向棚立鍼肩髃鍼進即可射

巨骨○肩尖端上行兩叉骨罅間陷中平陽明陽蹻之會

○銅人灸五壯鍼一寸半明堂灸三壯至七壯素註禁

鍼鍼則倒懸一食頃乃得下鍼鍼四分瀉之勿補鍼出

始得正臥明下灸三壯○主驚癰破心吐血臂膊痛胸


中有瘀血肩臂不得屈伸

天鼎○頸缺盆上直扶突後一寸○素註鍼四分銅人灸

三壯鍼三分明堂灸七壯○主喉痺噎腫不得食飲食

不下喉鳴





胃藏


扶突一名水穴○氣舍後一寸五分在頤當曲頰下一寸人迎後一寸五分仰而取之○銅人灸三壯鍼三分素註鍼四分○咳嗽多唾上氣咽引喘息喉中如水鷄聲暴瘖氣硬

木窵一名長類鼻孔下夾水溝旁五分○銅人鍼三分灸三壯○主尸厥及口不可開鼻瘡息肉鼻塞不聞香臭軌衄迎香○木窵上一寸鼻下孔旁五分午陽明足陽明之會

○銅人鍼三分留三呼不宜灸○主鼻塞不聞香臭偏風口喎舌瘖浮腫風動葉葉狀如虫行唇腫痛喘息不利鼻喎多涕軌衄有瘡鼻有息肉



胃重二斤一兩大一尺五寸長二尺六寸徑五寸紆曲屈伸盛穀二斗水一斗五升○胃者倉廩之官五味出焉○胃為黃腸○五味入口藏於胃以養五藏氣胃者水穀之海六府之大原也是以五藏六府之氣味皆出於胃水穀入口則胃實而腸虛食氣入胃散精於肝淫氣於筋食氣入胃濁氣歸心淫精於脉脉氣流經經氣歸於肺肺朝百脉輸精於皮毛毛脈合精行氣於府府精神明留於四藏氣歸于權衡權衡以平氣口成寸以決死生飲食入胃遊溢精氣上輸於脾脾氣散精上歸於肺通調水道下輸膀胱水精四布五經並行合於四時五藏陰陽揆度以為常也





人胃中常有留穀二斗古斗非今之比水一斗五升故平  
人日再至圍一行二升半日中五升七日五七三斗五升  
而水穀盡矣故平人不食七日死也

東垣曰飲食勞倦內傷脾胃則胃腕之陽不能升舉并  
心肺之氣陷入中焦用補中益氣湯又曰胃中元氣盛  
多食不傷過時不飢胃火盛則多食易飢能食而大便  
溏者胃熱善消脾病不化也又曰脾胃不和九竅不通

足陽明經穴

足陽明之脉起於鼻交頰中旁約太陽之脉下循鼻外上  
入齒中還出挾口環唇下交承漿  
頰鼻莖也鼻山根為頰足陽明起於鼻兩旁迎香穴由  
是而上左右相交於頰中過精明之分下循鼻外歷承

泣四白巨髃入上齒中復出循地倉挾口兩吻環繞唇  
下左右相交承漿之分也於

卻循頰後下廉出大迎循頰車上耳前過客主人循髮際  
至額顛

顛下為額額中為頤頤前為髮際髮際前為額顛自承  
漿卻循頤後下廉出大迎循頰車上耳前歷下關過客  
主人循髮際行懸釐額厭之分經頭維會于額顛之神  
庭

其支別者從大迎前下入迎循喉嚨入缺盆下膈屬胃絡  
脾

胸兩傍高處為膺膺上橫骨為巨骨巨骨上陷中為缺  
盆其支別者從大迎前下入迎循喉嚨歷水突氣舍入



缺盆行足少陰俞府之外下膈當上腕中腕之分屬胃絡脾

其直行者從缺盆下乳內廉挾臍入氣冲中

直行者從缺盆而下下乳內廉循氣戶庫房屋翳胸窓

乳中乳根不容承滿梁門門太乙滑肉門下挾臍歷關

天樞外陵大巨水道歸來諸穴而入氣冲中也

其支者起胃下口循腹裏下至氣冲而合

胃下口下腕之分難經云太倉下口為幽門者是也自

屬胃處起胃下口循腹裏過足少陰盲腧之外本經之

裏下至氣冲中與前之入氣衝者合

以下脾關抵伏菟下入膝臏中下循筋外廉下足跗入中

指外間筋戶當切

抵至也股內為髀髀前膝上起肉處為伏菟伏菟後交

文為髀關挾膝筋中為臏脛骨為筋跗足面也既相合

氣衝中乃下脾關抵伏菟歷陰市梁丘下入膝臏中經

犢鼻下循跗之冲陽陷谷入中指外間之內庭至厲兌穴而

其支者下膝三寸而別以下入中指外間

絡也

此支自膝下三寸循三里穴之外別下歷上廉條口下

廉豐隆解谿冲陽陷谷以至內庭厲兌而合也

其支者別附上入大指間出其端

此支自附上冲陽穴別行入大指間斜出足厥陰行間

穴之外循大指下出其端以交於太陰

此經多血多氣○辰時氣血注此○受手陽明之交

○凡四十五穴左右共九十穴○足陽明五藏六府



之海也其脉大血多氣盛壯熱不深不散不留不瀉  
刺深六分留六呼

承泣○目下七分直瞳子陷中陽蹻脉任脉胃脉之會○  
銅人灸三壯禁鍼鍼之令人目烏色明堂鍼四分半不  
宜灸灸後令人目下大如拳息肉日加如桃至三十日  
定不見物資生云當不灸不鍼○東垣曰魏邦彥夫人  
目醫自下侵上者自陽明來也○主目冷淚出上觀瞳  
子痒遠視眵昏夜無見目睵動與項口相引口眼喎眳  
斜口不能言面葉葉牽動眼赤痛耳鳴耳聾

四白○目下一寸直瞳子令病人正視取之○素註鍼四  
分甲乙銅人灸七壯鍼三分凡用鍼穩當方得下鍼刺  
太深令人目烏色○主頭痛目眩目赤痛僻淚不明目

痒目膚翳口眼喎僻不能言

巨窞○挾鼻旁八分直瞳子平水清蹻脉足陽明之會  
○銅人鍼三分得氣即瀉灸七壯明下灸七七壯○主  
瘰癧唇頰腫痛口喎僻目障無見青盲無見遠視眵眳  
淫層白膜翳覆瞳子面風鼻頰腫癰痛招搖視瞻脚氣  
膝腫

地倉○夾口吻旁四分外如近下有脉微動手足陽明任  
蹻脉之會○銅人鍼三分明堂三分半留五呼得氣即  
瀉日可灸二七壯重者七七壯柱如粗釵股脚大柱若  
大口轉喎灸承漿七七壯即愈○主偏風口喎目不得  
閉脚腫失音不語飲水不收水漿漏落眼睵動不止瞳  
子痒遠視眵昏夜無見○病左治右病右治左宜頻



北條辰之助  
北條辰之助



鍼灸以取盡風氣口眼喎斜者以正為度

大迎○曲頷前一寸三分骨陷中動脈又以口下當兩肩  
是穴○素註鍼三分留七呼灸三壯○主風痙口瘡瘰  
口噤不開唇吻動頰腫牙疼寒熱頸痛瘰癧舌強舌  
緩不收不能言目痛不得閉

頰車

一名機關  
一名曲牙

○耳下曲頰端近前陷中開口有空○銅

人鍼四分得氣即寫日灸七壯止七七壯明堂灸三壯  
素註鍼三分○主中風牙關不開口噤不語失音牙關  
痛頰頰腫牙不可嚙物頸強不得回顧口眼喎

下關○客主人下耳前動脈下廉合口有空開口則閉閉  
口有穴足陽明少陽之會○素註鍼三分留七呼灸三  
壯銅人鍼四分得氣即寫禁 又不得久留鍼鍼經云

刺之則欠不能故耳中有乾暉摘之不得灸○主失欠  
牙車脫臼目眩齒痛偏風口眼喎斜耳鳴耳聾耳痛膿  
汁出

頭維○額角入髮際本神旁一寸五分神庭旁四寸五分  
足少陽陽明二脈之會○銅人鍼三分素註鍼五分禁  
灸○主頭痛如破目痛如脫目瞶目風淚出偏風視物  
不明

人迎

一名  
五會

○頸大脈動應手夾結喉兩旁一寸五分仰而

取之以候五藏氣足陽明少陽之會○滑氏曰古以夾  
喉兩旁為氣口人迎至晉王叔和直以左右手寸口為  
人迎氣口○銅人禁鍼明堂鍼四分素註刺過深殺人  
○主吐逆霍亂胸中滿喘呼不得息咽喉癰腫瘰癧



水突

水門一名

○頸大筋前直人迎下氣舍上○銅人鍼三分灸三壯○主欬逆上氣咽喉癰腫呼吸短氣喘息不得

卧

氣舍○頸直人迎下夾天突陷中○銅人灸五壯鍼三分

○主欬逆上氣肩腫不得顧喉痺哽饑咽腫不消食飲不下癭瘤

缺盆

一名尺蓋

○肩下橫骨陷中○銅人灸三壯鍼三分素註鍼二分留七呼不宜大深深則使人逆息素問刺缺中內陷氣泄令人喘嗽○主息奔胸滿喘急水腫癰瘰喉痺汗出寒熱缺盆中腫外癢則生胸中熱滿傷寒胸中熱不已

氣戶○巨骨下俞府兩旁各二寸陷中仰而取之去中行

各四寸去膺窓四寸八分○銅人鍼三分灸五壯○主欬逆上氣胸背痛欬逆不得息不知味欬嗽胸脇支滿喘急

庫房○氣戶下一寸六分陷中去中行各四寸仰而取之

○銅人灸五壯鍼三分○主胸脇滿欬逆上氣呼吸不至息唾膿血濁沫

屋翳○庫房下一寸六分陷中氣戶下三寸二分去中行各四寸巨骨下四寸八分仰而取之○素註鍼四分銅人灸五壯鍼二分○主欬逆上氣唾血多濁沫膿血痰飲身體腫皮膚痛不可近不禁衣淫漑瘕癢不仁

膺窓○屋翳下一寸六分陷中去中行各四寸○銅人鍼四分灸五壯○主胸滿短氣不得卧腸鳴注泄乳癰寒



熱

乳中○當乳中是○銅人微刺三分禁灸灸則不幸生蝕  
瘡瘡中有膿血清汁可治瘡中有息肉若蝕瘡者死素  
問云刺乳上中乳房為腫根蝕○丹溪曰乳房陽明胃  
所經乳頭厥陰肝所屬乳去子之母不知調養忿怒所  
逆鬱悶所遏原味所釀以致厥陰之氣不行竅不得通  
汁不得出陽明之血沸騰熱甚化膿亦有所乳之子膈  
有滯痰口氣焮熱含乳而睡熱氣所吹遂生結核初起  
時便須忍痛揉令稍軟吮令汁透自可消散失此不治  
必成癰癤若加以艾火兩三壯其效尤捷粗工便用鍼  
刀卒惹拙病若夫不得夫與舅姑憂怒鬱悶脾氣消阻  
肝氣橫逆遂成結核如菓子不痛不癢十數年後為瘡

陷名曰奶岩以此瘡形如嵌凹似岩穴也不可治矣若  
於始生之際便能消息病根使心清神安然後施治亦  
有可安之理

乳根○乳中下一寸六分陷中去中行各四寸仰而取之  
○銅人灸五壯鍼三分素註鍼四分灸三壯○主胸下  
滿悶胸痛膈氣不下食饑病臂痛腫乳痛乳癰淒淒寒  
熱痛不可按效逆霍亂轉筋四厥  
不容○幽門旁相去各一寸五分去中行任脉各三寸上  
腕兩旁各一寸直四肋間○銅人灸五壯明堂三壯鍼  
五分素註鍼八分○主腹滿痞癰唾血肩脇痛口乾心  
痛與背相引不可忍則引肩痛嗽喘癆疝不嗜食腹欬  
虛鳴嘔吐痰癖



承滿○不容下一寸去中行各三寸○銅人鍼三分灸五  
壯明堂三壯○主腸鳴腹脹上氣喘逆食飲不下肩息  
唾血

梁門○承滿下一寸去中行各三寸銅人鍼二分灸五壯  
○主腸下積氣食飲不思大腸滑泄完穀不化

關門○梁門下一寸去中行各三寸○銅人鍼八分灸五  
壯○主善滿積氣腸鳴卒痛泄利不欲食腹中氣走挾

臍急痛身腫痰瘡振寒遺溺

太乙○關門下一寸去中行各三寸○銅人灸五壯鍼八  
分○主心煩癩狂吐舌

滑肉門○太乙下一寸下夾臍下一寸至天樞去中行各  
三寸○銅人灸五壯鍼八分○主癩狂嘔逆吐血重舌

銅人針灸云天樞  
去育膺一寸五分

舌強

天樞一名長谿  
一名穀門○去育膺半寸夾臍中兩傍各二寸陷中

大腸之募○銅人灸五壯濟生按萃灸百壯鍼五分留  
十呼千金云菟魄之舍不可鍼素註鍼五分留七呼○

主奔豚泄瀉脹赤白痢水痢不止食不下水腫腹脹  
腸鳴上氣冲胃不能久立久積冷氣繞臍切痛時上冲

心煩滿嘔吐霍亂冬月感寒泄瘡寒熱狂言傷寒飲利  
水過多腸脹氣喘婦人女子癥瘕血結成塊漏下赤白

月事不時

外陵○天樞下一寸去中行各二寸素註一寸半○銅人  
灸五壯鍼三分

臍痛

鍼八分○主腹痛心下如懸下引



大巨○外陵下一寸天樞下二寸素註一寸去中行各二寸素註作一寸半○銅人鍼五分灸五壯素註鍼八分○主小腹脹滿煩渴小便難癢疝偏枯四肢不收驚悸不眠

水道○大巨下二寸素註三寸去中行各二寸○銅人灸五壯鍼三分半素註鍼二分半○主肩背痠疼三焦膀胱腎中熱氣婦人小腹脹滿痛引陰中月水至則腰背痛胞中痠子門寒大小便不通

歸來○水道下二寸素註三寸去中行各二寸○銅人灸五壯鍼五分素註鍼八分○主奔豚卵上入腹引莖中痛婦人血臍積冷

氣衝一名氣衝歸來下素註腹下夾臍相去四寸鼠鼯上一寸

動脈應手宛中衝脈所起○銅人灸七壯禁鍼素門宛中刺中脈血不出為腫鼠僕明堂鍼三分留七呼氣至即瀉灸三壯○主腹滿不得正卧癰疔大腸中熱身熱腹痛大氣石水陰痿莖痛兩丸寒痛小腹奔豚腹有逆氣上攻心腹脹滿上搶心痛不得息腰痛不得俛仰淫瀝傷寒胃中熱婦人無子小腹痛月水不利妊娠子上衝心字難包衣不出○東垣曰脾胃虛弱感濕成痿汗大泄妨食三里氣衝以三稜鍼出血又曰吐血多不愈以三稜鍼於氣衝出血立愈

脾關○膝上伏兔後交分中○銅人鍼六分灸三壯○主腰痛足麻木膝寒不仁痿痺股內筋絡急不屈伸小腹引喉痛



伏菟○膝上六寸起肉正跪坐而取之一云膝蓋上七寸  
以左右各三指按捺上有肉起如菟之狀因以此名○  
此事難知定癰疽死地分有九伏菟居一劉宗厚曰脉  
絡所會也○主膝冷不得溫風勞痺逆狂邪午攣縮身  
應癆腹少氣頭重脚氣婦人八部諸疾脹

陰市

一名陰市

膝上三寸伏菟下陷中特而取之○銅人鍼三

分禁灸明堂灸三壯○主腰脚如冷水膝寒痿痺不仁  
不屈伸卒寒疝力痿小氣腹小痛脹滿脚氣脚以下伏  
菟上寒消渴

梁丘○膝上二寸兩筋間○銅人灸三壯鍼三分明堂鍼  
五分○膝脚腰痛冷痺不仁難跪不可屈伸足寒大驚  
乳腫痛

犢鼻○膝臏下胛骨上俠解大筋陷中形如牛鼻故名○  
素註鍼六分銅人鍼三分灸三壯素問刺犢鼻出液為  
跛○主膝中痛不仁難跪起脚氣膝臏腫○膝臏腫潰  
者不可治不癢可治若犢鼻堅硬不便攻先洗熨微刺  
之愈

三里○膝下三寸胛骨外廉大筋內宛宛中兩筋肉分間  
舉足取之極重按之則趺上動止矣又云犢鼻三寸脉  
足陽明胃脉所入為合土○素註刺一寸留一呼灸三  
壯銅人灸三壯鍼五分明堂鍼八分留十呼瀉七吸日  
灸七壯止百壯素註刺一寸千金灸五百壯少亦一二  
百壯○主胃中寒心腹脹滿腸鳴臏氣虛憊真氣不足  
腹痛食不下大便不通心悶不已卒心痛腹有逆氣上



攻腰痛不得俛仰少腸氣水氣蠱毒鬼擊痲痺四肢滿  
膝駝痠痛目不明產婦血暈不省人事○秦承祖云諸  
病皆治華佗云主五勞羸瘦七傷虛乏胸中瘀血乳癰  
○千金翼云主腹中寒脹滿腸中雷鳴氣上冲胸喘不  
能久立腹痛胸腹中瘀血小腹脹皮腫陰氣不足小腹  
堅傷寒熱不已熱病汗不出喜嘔口苦壯熱身反折口  
噤鼓頷腫痛不可回顧顧而有所見喜悲上下水之口  
噤乳腫喉痺不能言胃氣不足久泄利食不化脇下支  
滿不能久立膝痿寒熱中消穀苦飢腹熱身煩狂言乳  
癰喜噫惡聞食臭狂歌妄笑恐怒大罵霍亂遺尿失氣  
陽厥漣漣惡寒頭眩小便不利喜噦脚氣○外臺秘要  
云人年三十已上若不灸三里令人氣上冲目○東垣

曰飲食失節及勞役形質陰火乘於坤土之中致穀氣  
榮氣清氣胃氣元氣不得上升滋於六腑之陽氣是五  
陽之氣先絕於外外者天也下流入於坤土陰火之中  
皆由喜怒悲憂恐為五賊所傷而後胃氣不行勞役飲  
食不節繼之則元氣乃傷當於胃合三里穴中推而揚  
之以伸元氣又曰氣在於腸胃者取之足太陰陽明不  
下者取之三里又曰氣逆霍亂者取三里氣下乃止不  
下復始又曰胃病者胃脘當心而痛上走兩脇高噎不  
通飲食不下取三里以補之脾胃虛弱感濕成痿汗大  
泄妨食三里氣衝以三稜鍼出血若汗不減不止者於  
三里穴下三寸上廉出血禁酒濕麵又曰六淫客邪及  
上熱下寒筋骨皮肉血脉之病錯取於胃之合三里大



危○又曰有人年少氣弱常於三里氣海灸之節次約五七十壯至年老熱厥頭痛雖大寒猶喜風寒痛愈惡煖處見烟火皆灸之過也

巨虛上廉

一名上廉

三里下三寸舉足取之足陽明胃合手

陽明大腸○銅人灸三壯鍼三分甄權隨年為壯明堂鍼八分得氣即寫灸日七壯下至三壯○主藏氣不足偏風脚氣腰腿手足不仁脚脛痠痛屈伸難不能久立風水膝腫骨髓冷疼大腸冷食不化殮洩勞瘵夾臍腹脇痛腸中切痛雷鳴氣上衝胸喘息不能行不能久立傷寒胃中熱○東垣白脾胃虛弱濕痿汗泄妨食三里氣衝出血不愈於上廉出血

條口○下廉上一寸舉足取之○銅人鍼五分明堂八分

灸三壯○主足麻木風卧足下熱不能久立足寒膝痛脛寒濕痺脚痛胛腫轉筋足緩不收

巨虛下廉

一名下廉

上廉下三寸躡地舉足取之足陽明胃

與手太陽小腸合○銅人鍼八分灸三壯素註鍼三分明堂鍼六分得氣即瀉甲乙灸日七七壯○主小腸氣不足面無顏色偏風腿痿足不履地熱風冷痺不遂風濕痺喉痺脚氣不足沉重唇乾涎出不覺不得汗出毛髮焦內脫傷寒胃中熱不嗜食洩膿血胸脇小腹控臑而痛時窘之後當耳前熱若寒甚若獨肩上熱甚及小指次指之間熱痛暴驚狂言語非常女子乳癰足附不收跟痛

豐隆○外踝上八寸下髌外廉陷中足陽明絡別走太陰



○銅人鍼三分灸三壯明下七壯○主厥逆大小便難  
急瘧腿膝痠屈伸難胸痛如刺腹若刀切痛風痰頭痛  
風逆四肢腫足清身寒濕喉痺不能言登高而歌棄衣  
而走見鬼好笑○氣逆則喉痺卒瘡實則癲狂瀉之虛  
則足不收脛枯補之

解谿○衝陽後一寸五分腕上陷中足大指次指直上跗  
上陷者宛宛中足陽明胃脈所行為經火胃虛補之○  
銅人灸三壯鍼五分留三呼○主風面浮腫顏黑厥氣  
上衝腹脹大便下重瘰癧膝股胛腫轉筋目眩頭痛癩  
疾煩心悲泣霍亂頭風面赤目赤眉攢疼不可忍  
衝陽○足跗上五寸去陷谷三寸骨間動脈足陽明胃脈  
所過為原胃虛實皆拔之素註鍼三分留十呼素問刺


足跗上動脈血出不止死銅人鍼五分灸三壯○主偏  
風口眼喎跗腫齒齩發寒熱腹堅大不嗜食傷寒病振  
寒而欠久狂登高而歌棄衣而走足緩履不收身前痛  
陷谷○足大指次指外間本節後陷中去內庭二寸足陽  
明胃脈所注為俞本○素註鍼五分留七呼灸三壯○  
主面目浮腫及水病善噫腸鳴腹痛熱病無度汗不出  
振寒疾瘧○東垣曰氣在於臂足取之先去血脈後取  
其陽明少陰之榮俞內廷陷谷深取之

內廷○足大指外間陷中足陽明胃脈所溜為榮水次指  
○銅人灸三壯鍼三分留十呼甲乙留二十呼○主四  
肢厥逆腹脹滿數欠惡聞人聲振寒咽中引痛口喎上  
齒齩瘡不嗜食腦皮膚痛鼻衄不止傷寒手足逆冷汗



足太陰

脾藏



脾


不出赤白痢○仲景曰太陽若欲作再經者鍼足陽明使不傳則愈

厲兌○足大指次指之端去爪甲角如韭葉足陽明胃脉所出為井金胃實瀉之銅人鍼一分灸一壯一云三壯

○主尸厥口噤氣絕狀如中惡心腹脹滿水腫熱病汗不出寒瘧不嗜食面腫足胫寒喉痺上齒齟惡寒鼻不利多驚好卧狂欲登高而歌棄衣而走黃疸軌衄口喎唇胗頸腫膝臏腫痛循胸乳氣街股伏兔胫外廉足跗上痛消穀善飢溺黃



脾重二斤三兩扁廣三寸長五寸有散膏半斤居脊之第  
 十二椎掩乎太倉胃主裹血温五藏  
 中央黃色入通於脾開竅於口藏精於脾故病在舌本其  
 味甘其類土其畜牛其穀稷其應四時上為鎮星是以知  
 病之在肉也其音宮其數五其臭焦其液涎其色黃  
 中央生濕濕生土土生甘甘生脾脾生肉肉生肺脾主口  
 其在天為濕在地土在體為肉在藏為脾在色為黃在為  
 音為宮在聲為歌在變動為噦在竅為口在味為甘在志  
 為思思傷脾怒勝思濕傷肉風勝濕甘傷肉酸勝甘  
 脾之舍肉也其榮唇也其主肝也○脾胃者倉廩之官五  
 味出焉  
 脾者倉廩之本營之居也其華在唇四白其充在肌此至





陰之類通於土氣

改正從滑火

○脾者土也孤藏以灌四旁

脾主四肢為胃行其津液

舟溪曰脾具坤靜之德而有乾健之用易北馬地類行地無羶

之意

脾主治中央常以四時長四藏各十八日寄治不獨主於時也

脾氣通於口口和則知穀味矣

脾氣虛則夢飲食不足得其時則夢築垣牆蓋屋

長夏及四季

脾色黃欲如羅裹雄黃不欲如黃土

一云積實

脾氣絕則脉不榮其唇口唇者肌肉之本也脉不榮則肌肉不滑澤肌肉不滑澤則肉滿肉滿則唇反唇反則肉先

死甲日篤乙日死

### 脾經太陰穴

足太陰之脉起於大指之端循指內側白肉際過覈骨後上內踝前廉

覈骨一作核骨俗云孤拐骨是也足跟後兩傍起骨為

踝骨足太陰起大指之端隱白穴受足陽明之交也由

是循大指內側白肉際大都穴過核骨後歷太白公孫

商丘上內踝前廉之三陰交也

上膈內循斷骨後出厥陰之前

膈示交

膈腓腹也由三陰交上膈內循肱骨後之漏谷上行二

寸交出足厥陰經之前至地機陰陵泉

上循膝股內前廉入腹屬脾絡胃

脾內為股臍上為腹自陰陵泉上循膝股內前廉之血

海箕門迤邐入腹經冲門府舍會中極關元復循腹結



大橫會下腕歷腹哀過日月期門之分循本經之裏下  
至中腕之際以屬脾絡胃也

上膈挾咽連舌本散舌下

咽所以嚥物居喉之前至胃長一尺六寸為胃系也舌  
本舌根也曲腹哀上膈循食竇天谿胸鄉周榮由周榮  
外曲折向下至大包又自大包外曲折向上會中府上  
行人迎之裏挾喉連舌本散舌下而終

其支別者復從胃別上膈注心中

此支由腹哀別行再從胃部中腕穴之外上膈注於膻  
中之裏心之分以交於手少陰

○此經多氣少血○已時氣血注此○凡二十一穴左  
右共四十二穴

隱白○足大指端內側去爪甲角如韭葉脾脉所出為井

木○素註鍼一分留三呼銅人鍼三分留三呼灸三壯

○主腹脹喘滿不得安卧嘔吐食不下胸中熱暴泄衄  
血卒尸厥不識人足寒不能溫婦人月事過時不止小  
兒客忤慢驚風

大都○足大指本節後內側陷中骨縫赤白肉際脾脉所

溜為榮火脾虛補之銅人鍼三分灸三壯○主熱病汗

不出不得卧身重骨疼傷寒手足逆冷腹滿善嘔煩熱  
悶亂吐逆目眩腰痛不可俛仰繞踝風胃心痛腹脹胸  
滿心虺痛小兒客忤

太白○足大指內側內踝前核骨下陷中脾脉所注為俞

土○銅人鍼三分灸三壯○主身熱煩滿腹脹食不化



嘔吐泄瀉膿血腰痛大便難氣逆霍亂腹中切痛腸鳴  
膝股胛痠轉筋身重骨痛胃心痛腹脹胸滿心痛脉緩  
公孫○足大指本節後一寸內踝前脾之絡脉別走陽明  
胃經○銅人鍼四分灸三壯○主寒瘧不嗜食痲氣好  
太息多寒熱汗出病至則喜嘔嘔已乃衰頭面腫起煩  
心狂多飲膽虛○厥氣上逆則霍亂實則腸中切痛瀉  
之虛則鼓脹補之

商丘○足內踝骨下微前陷中脾所脉行為經金脾實瀉  
之○銅人灸三壯鍼三分○主腹脹腸中鳴不便脾虛  
令人不樂身寒善太息心悲骨痺氣逆痔疾骨蛆蝕覺  
夢痲痠寒熱好嘔陰股內痛氣癰狐疝走上下引小腹  
痛不可俛仰脾積痞氣黃疸舌本強痛胃脘痛腹脹寒

瘧瘧瘵泄水

面黃善思善味食不消體重節痛怠惰

嗜卧婦人絕子小兒慢風

三陰交○內踝上三寸骨下陷中足太陰少陰厥陰之交  
會○銅人鍼三分灸三壯○主脾胃虛弱心腹脹滿不  
思飲食脾痛身重四肢不舉腹脹腸鳴瀉泄食不化痲  
痺腹寒膝內廩痛小便不利陰莖痛足痿不能行疝氣  
小便遺失膽虛食後吐水夢遺失精霍亂手足逆冷失  
欠頰車蹉開張口不合男子陰莖痛元藏發動臍下痛  
不可忍小兒客忤婦人臨經行房羸瘦瘵瘵漏血不止  
月水不止姪娠胎動橫生產後惡露不行去血過多血  
崩暈不省人事如經脉閉塞不通瀉之立通經脉虛耗  
不行者補之經脉益盛則通



按宋太子出苑逢姪婦診曰女徐文伯曰一男一女  
太子性急欲視文伯瀉三陰交補合谷胎應鍼而下  
果如文伯之診後世遂以三陰交合谷為姪婦禁鍼  
然文伯瀉三陰交補合谷而墮胎今獨不可補三陰  
交瀉合谷而安胎乎蓋三陰交腎肝脾三脉之交會  
主陰血血當補不當瀉合谷瀉天腸之原大腸為肺  
之府主當氣瀉不當補文伯瀉三陰交以補合谷是  
血衰氣旺也今補三陰交瀉合谷是血旺氣衰矣故  
劉元賓亦曰血衰氣旺定無姪血王氣衰應有體  
瀉谷一名太陰絡內踝上六寸腓骨下陷中○銅人鍼三分灸  
三壯○主腸鳴強久心悲逆氣腹脹滿急疝痺冷氣食  
飲不為肌膚膝痺足不能行

地機

一名脾舍

膝下五寸膝內側輔骨下陷中伸足取之足太

陰卻別走上一寸有空○銅人灸三壯鍼五分○主腰  
痛不可俛仰溇泄腹脇脹水腫脹堅不嗜食小便不利  
精不足女子癥瘕按之如湯沃股內至膝

陰陵泉○膝下內側輔骨下陷中伸足取之或曲膝取之  
與陽陵泉穴相對足太陰脾脉所入為合水○銅人鍼  
五分○主腹中寒不嗜食脇下滿水脹堅喘逆不得腹  
卧腰痛不可俛仰霍亂疝瘕遺尿失禁不自知小便不  
利氣淋寒熱不節陰痛胸中熱暴泄飧泄

血海○膝臚上內廉白肉際二寸半○銅人鍼五分灸三  
壯○主氣逆腹脹女子漏下惡血月事不調○東垣曰  
女子漏下惡血月事不調暴崩不止多下水漿之物皆



田飲食不節或勞傷形體或素有氣不足灸太陰脾經  
七壯

箕門○魚腹上越筋間陰股內動脈應手一云股上起筋

間○銅人灸三壯○主麻小便不通遺溺鼠鼯腫痛

衝門一名上慈宮○去大橫五寸府舍下橫骨兩端約中動脈

去腹中行四寸半○銅人鍼七分灸五壯○主腹寒氣  
滿腹中積聚疼癢淫瀼陰疝婦人難乳妊子冲心不  
得息

府舍○腹哀下三寸去腹中行各四寸半足厥陰太陰陰

維之會三脉上下三入腹絡肝脾結心肺從脇上至肩

此太陰却三陰陽明之別○銅人灸五壯鍼七分○主

疝癰痺疼腹滿上捨心積聚霍亂

腹結

一名陽器

十四經發揮云大橫下一寸三分去腹中行四

寸半○銅人鍼七分灸五壯○主欬逆臍痛腹寒瀉利

心痛

大橫○腹結下三寸五分直臍旁二寸五分去腹中行四

寸半足太陰陰維之會○銅人鍼七分灸三壯○主大

風逆氣多寒善悲四肢不可舉動多汗洞痢

腹哀○日月下一寸五分去腹中行四寸半足太陰陰維

之會○銅人鍼三分○主寒中食不化大便膿血

食竇○天谿下一寸六分舉臂取之○銅人鍼四分灸五


壯○主胸脇支滿鬲間雷鳴常有水聲鬲痛

天谿○胸鄉下一寸六分陷中仰而取之○銅人鍼四分

灸五壯○主胸中滿痛欬逆上氣喉中作聲婦人乳腫



心臟  
為小腸  
府



五藏系皆  
屬於心

癢癰

胸鄉○周榮下一寸六分陷中仰而取之○銅人鍼四分

灸五壯○主胸脇支滿引胸背痛不得卧轉側難

周榮○中府下一寸六分仰而取之○銅人鍼四分灸五

壯○主胸脇滿不得俛仰食不下喜飲欬唾稠膿欬逆

補之

多淫  
作淫恐



心少陰心之經



心重一十二兩附著於脊之第五椎居肺下膈上中有七

孔三毛一云惟上智之人有之形如未敷蓮花

南方赤色入通於心開竅於耳當言舌古非竅故言耳藏精於心故

病在五藏其味苦其類火其畜羊其穀黍其應四時上為

熒惑星是以知病之在脉也其音徵其數七其息焦其味

苦其聲音其液汗

南方生熱熱生火火生苦苦生心心生血血生脾心主舌

其在天為熱在地為火在體為脉在藏為心在色為赤在

音為徵在聲為笑在變動為憂在竅為舌在味為苦在志

為喜喜傷心恐勝喜苦傷氣鹹勝苦心者君主之官也神

明出焉

心者生之本神之變也其華在面其充在血脉為陽中之



太陽通於夏氣心之合脉也其榮色也其主腎也○心氣通於舌舌和則知五味矣心氣虛則夢救火陽物得其時則夢燔灼夏三月○心色赤欲如帛裹朱不欲如赭素問五藏俱等而肺獨在膈上者何也然心者血肺者血氣為榮氣為衛相隨上下謂之榮衛通行經絡營周於身故令心肺在膈上也

陳氏曰心肺能以血氣生育人身則此身之父母也父母之尊理當居上故曰膈膜之上中有父母

心氣絕則脉不通脉不通則血不流血不流則色澤去故面色黑如黎此血先死壬日篤癸日死

### 手少陰心經穴

手少陰之脉起於心中出屬心系下膈絡小腸

心系有二一則上與肺相通而入肺兩大葉間一則由肺葉而下曲折向後並脊裏細絡相連貫脊髓與腎相通正當七節之間蓋五藏系皆通於心而心通五藏系也手少陰經起於心循任脉之外屬心系下膈當臍上二寸之分絡小腸

其支者從心系上挾咽系目

支者從心系出任脉之外上行而挾咽系目也

其直者復從心系却上肺出腋下

直者復從心系直上至肺藏之分出循腋下抵極泉也

穴在臂內腋下筋間動脉入胸

下循臑內後廉行太陰心主之後下肘內廉

自極泉下循臑內後廉行太陰心主兩經之後歷青靈



穴下肘內廉抵少海

循臂內後廉抵掌後兌骨之端入掌內廉循小指之內出其端腕下踝為兌骨自少海而下循臂內後廉歷靈道通里至掌後兌骨之端經陰却神門入掌內廉至少府循小指端之少衝而終以交於手太陽也○滑氏曰心為君主之官示尊於他藏故其交經授受不假支別云○此經多血少氣○午時氣血注此○受足太陰之交○凡九穴左右共一十八穴

極泉○臂內腋下筋間動脈入胸○銅人鍼三分灸七壯○主臂肘厥寒四支厥心痛乾嘔煩滿脇痛悲愁

青靈○肘上三寸伸肘舉臂取之○銅人灸七壯明堂三壯○主黃頭痛振寒脇痛肩臂不舉不能帶衣

少海

一曲節

肘內廉節後大骨外去肘端五分屈肘向頭得

之心脈所入為合水○銅人鍼三分灸三壯甄權云不宜灸鍼五分甲乙鍼二分留三呼瀉五吸不宜灸素註灸五壯資生云數說不同要之非大急不灸○主寒熱齒齟痛目眩發狂嘔吐涎沫項不得回顧肘攣腋脇下痛四肢不得舉腦風頭痛氣逆噫噦瘰癧心疼手顫健忘

靈道○掌後一寸五分心脈所行為經金○銅人鍼三分灸三壯○主心痛乾嘔悲恐相引瘕瘕肘攣暴瘡不能言

通里○腕後一寸陷中平少陰心脈之絡別走太陽小腸經○銅人鍼三分灸三壯明堂七壯○主目眩頭痛熱



病先不樂數日懊懷數久頻伸悲面熱無汗頭風暴瘡  
不言目痛心悸肘臂臑痛苦嘔喉痺少氣遺溺婦人經  
血過多崩中○實則支滿而腫瀉之虛則不能言補之  
陰却○掌後脉中去腕五分○銅人鍼三分灸七壯○主  
鼻衄吐血洒淅畏寒厥逆氣驚心痛

神門

一名中  
一名中都

掌後銳骨端陷中手少陰心脉所注為俞

土心實瀉之○銅人鍼三分留七呼灸七壯○主瘡心  
煩甚欲得冷飲惡寒則欲處溫中咽乾不嗜食心痛數  
噫恐悸少氣不足手臂寒面赤喜笑掌中熱而眈目黃  
腸痛喘逆身熱狂悲笑嘔血吐血振寒上氣遺溺失音  
心性癡呆健忘心積伏梁大小人五癰○東垣曰胃氣  
下溜五藏氣皆亂其為病互相出見氣在於心者取之

手少陰之俞神門大陵同精導氣以復其本位○靈樞  
經曰少陰無俞心不病手其外經病而藏不病故獨取  
其經於掌後銳骨之端心者五藏六府之大主精神之  
所舍其藏堅固邪不能容容邪則身死故諸邪皆在心  
之包絡包絡者心主之脉也

少府○小指本節後骨縫陷中直勞宮手少陰心脉所流  
為榮火○銅人鍼二分灸七壯明堂三壯○主煩滿少  
氣悲恐畏人掌中熱臂痠肘腋攣急胸中痛手拳不伸  
瘡瘡久不愈振寒陰挺出陰癢陰痛遺尿偏墜小便不  
利太息

少衝


一名  
經始

手小指內廉端去爪甲角如韭葉手少陰心脉

所出為井本心虛補之○銅人鍼一分灸三壯明堂一



心藏



壯○主熱病煩滿上氣噎乾渴目黃膈臂內後廉痛厥  
 心痛痰冷少氣悲恐善驚太息煩滿掌中熱脇痛胸中  
 痛口中熱咽中酸乍寒乍熱手攣不伸引肘腋痛悲驚  
 ○東垣曰一富者前陰臊臭未先師張潔古也治之曰夫前  
 陰足厥陰之脉絡循陰器出其挺末凡臭者心之所主  
 散入五方為五臭入肝為臊此其一也當於肝經瀉行  
 間是治其本後於心經中瀉少衝是治其標



手太陽小腸經



小腸重二斤十四兩長三丈二尺廣二寸半徑八分分之  
 少半左回疊積十六曲盛穀二斗四升水六升三合合之  
 大半胃之下口小腸上口也在臍上二寸水穀於是入焉  
 大腸上口小腸下口也至是而秘別清濁水液入膀胱滓  
 穢入大腸○小腸者受盛之官化物出焉○小腸為赤腸  
 ○食下則腸實而胃虛以此推之則知糟粕下於大腸小腸亦虛矣

手太陽小腸經穴

手太陽之脉起於小指之端循手大側上腕出踝中

臂骨盡處為腕腕下兌骨為踝大經起小指端少澤穴  
 由是循手外側之前谷後谿上腕出踝中歷腕骨陽谷  
 養老穴也

直上循臂骨下廉出肘內側兩骨之間上循臑外後廉出



肩解繞肩脾交肩

脊兩傍為督脊上兩角為肩解肩解下成片骨為肩脾  
自養老穴直上循臂骨下廉支正穴出肘內側兩骨之  
間歷少海穴上循臑外廉行手陽明少陽之外上肩循  
肩貞臑俞天宗秉風曲垣肩外俞肩中俞諸穴乃上會  
大椎因左右相交於兩肩之上

入缺盆絡心循咽下膈抵胃屬小腸

自交肩入缺盆循肩向腋下行當臆中之分絡心循  
胃系下膈過上脘抵胃下行任脉之外當臆上二寸之  
分屬小腸

其支者從缺盆貫頸上頰至目銳眦却入耳中

目外角為銳眦皆支者別從缺盆循頸之天窓天窓上頰

抵顴膠上至目銳眦過童子膠却入耳中循聽宮而終也

其支別者別循頰上頰頰音拙抵鼻至目內眦

目下為頰目大角為內眦其支者別循頰上頰抵鼻至  
目內眦睛明穴以交於足太陽也

○此經多血少氣○未時氣血注此○受手少陰之交

○凡一十九穴左右共三十八穴

少澤一名小吉手小指端外側去爪甲角下一分陷中手太陽

小腸脉所出為井金○素註灸三壯銅人灸一壯鍼一  
分留二呼○主瘡寒熱汗不出喉痺舌強口乾心煩臂  
痛癩瘰嗽嗽口中涎唾頸項急不可顧目生膚翳覆瞳  
子頭痛



前谷○手小指外側本節前陷中手太陽小腸脉所溜為  
榮水○銅人鍼一分留三呼灸一壯明堂灸三壯○主  
熱病汗不出痰癰癩疾耳鳴頸項腫喉痺頰腫引耳後  
鼻塞不利咳嗽吐血臂痛不得舉婦人產後無乳  
後谿○手少指外側本節後陷中捏拳取之手太陽小腸  
脉所注為俞木小腸虛補之○銅人鍼一分留二呼灸  
一壯○主瘡寒熱目赤生翳鼻衄耳聾胸滿頭項強不  
得回顧癩疾臂肘攣急痲疥

腕骨○手外側腕前起骨下陷中手太陽小腸脉所過為  
原小腸虛實皆按之○銅人鍼二分留三呼灸三壯○  
主熱病汗不出脇下痛不得息頸項腫寒熱耳鳴目冷  
淚生翳狂揚偏枯肘不得屈伸痰癰頭痛煩悶驚風瘰

癱五指掣頭痛

陽谷○手外側腕中銳骨下陷中手太陽大腸脉所行為  
經火○素註灸三壯鍼二分留三呼甲乙留二呼○主  
癰疾狂走熱病汗不出脇痛頸項腫寒熱耳聾耳鳴齒  
齲痛臂外側痛不舉吐舌戾頸妄言左右顧目眩小兒  
瘰癧舌強不啣乳

養老○手踝骨前上一云腕骨後一寸陷中○銅人鍼三  
分灸三壯○主肩臂痠疼肩欲折臂如拔手不能自上  
下目視不明

支正○腕後五寸手太陽絡脉別走少陰○銅人鍼三分  
灸三壯明堂灸五壯○主風虛驚恐悲愁癩狂五勞四  
肢虛弱肘臂攣難屈伸手不握十指盡痛熱病先脾頸



痲喜渴強項疣目○實則節弛肘廢瀉之虛則生疣小如指痲疥補之

少海○肘內大骨外去肘端五分陷中屈手向頭取之

太陽小腸脉所入為合土小腸實瀉之○素註鍼二分

留七呼灸五壯○主頸頷有臑肘臂外後廉痛寒熱齒

根腫風眩頸項痛癆腫振寒肘腋痛腫小腹痛癰發羊

鳴戾頸癩癢狂走頷腫不可回顧者似按臑似折耳聾

目黃頰腫

肩貞○曲胛下兩骨解間肩髃後陷中○銅人鍼五分素

註鍼八分灸三壯○主復寒寒熱耳鳴耳聾耳缺盆有中

熱痛風痺手足麻木不舉

臑俞○按肩髃<sup>牛陽明穴</sup>後大骨下胛上廉陷中舉臂取之手

太陽陽維陽蹻三經之會○銅人鍼八分灸三壯○主

臂痠無力肩痛引胛寒熱氣腫痙痛

天宗○秉風後大骨下陷中○銅人灸三壯鍼五分留六

呼○主肩臂痠疼肘外後廉痛頰頷腫

秉風○天髃外肩小髃後舉臂有空牛太陽陽明牛少

陽足少陽四脉之會○銅人灸五壯鍼五分○主肩痛

不能舉

曲垣○肩中央曲胛陷中按之應手痛○銅人灸三壯鍼

五分明堂鍼九分○主肩痺熱痛氣注肩胛拘急痛悶

肩外俞○肩胛上廉去脊三寸陷中○銅人鍼六分灸三

壯明堂一壯○主肩胛痛周痺寒至肘

肩中俞○肩胛內廉去脊二寸陷中○素註鍼六分灸三



壯銅人鍼三分留七呼灸十壯○嗽嗽上氣唾血寒主  
熱目視不明

天窓一名窓籠○頸大筋間前曲頰下扶突後動脈應手陷中

○銅人灸三壯鍼三分素註六分○主痔瘻頸痛肩胛

引項不得回顧耳聾頰腫齒噤中風

天容○耳下曲頰後○灸三壯○主瘰癧項癰不可回顧

不能言胸痛胸滿不得息嘔送吐沫齒噤耳聾耳鳴

顴髎○面頰骨下廉銳骨端陷中午少陽太陽之會○素

註鍼三分銅人鍼二分○主口喎面赤眼睵動不止頰

腫齒痛


聽宮一名多所聞耳中珠子大如赤小豆手足少陽午太陽三

脉之會○銅人鍼三分灸三壯明堂鍼一分甲乙鍼三

分○主失音癩疾心腹滿臍耳耳聾如物填塞無聞耳  
中嘈嘈懷懷蟬鳴



足太陽膀胱經



膀胱藏





膀胱重九兩二銖縱廣九寸居腎之下大腸之側小腸下口乃膀胱上口水液由是滲入焉盛溺九升九合

膀胱者州都之官津液藏焉氣化則能出矣

膀胱為黑腸

從藏屬北方色也

王安道曰或曰靈樞經云水穀者常并居胃中成糟粕而俱下大腸而成下焦滲而俱下瀦泌別汁滲入膀胱焉王冰曰水液自回腸泌別汁滲入膀胱之中胞氣化之而為溺以世出也楊介云水穀自小腸盛受於闌門以分別也其水則滲入於膀胱上口為溲便詳已上三說則小便即泌別之水液滲入膀胱以出者也素問則曰飲食入胃遊溢精氣上輸於脾胃散精上歸於肺通調水道下輸膀胱則水便又似水飲精微之氣上升脾

肺運化而後成者也將何所同將何所憑乎余曰憑夫理耳且夫溲溺者果何物耶水而已矣水之下流其性則然也故飲入於胃其精氣雖上升其飲之本體固不能上升也惟其不能上升者必有待於上升者為之先道故素問又曰膀胱者津液藏焉氣化則能出矣且水者氣之子氣者水之母氣行則水行氣滯則水滯或者又謂小便純由泌別不由運化蓋不明此理故也雖然膀胱固曰津液之府至於受盛津液則又有胞而居膀胱之中焉故素問曰胞移熱於膀胱靈樞曰膀胱之泡薄以濡類纂曰膀胱者胞之室且夫胞之居於膀胱也

有上口而無下口津液既盛於胞無由自出必因乎氣化而後能漸浸潤於膀胱外積於胞下之空處遂為溺



以出於前陰也素問所謂膀胱津液藏焉者蓋舉膀胱以該胞也若曰胞下無空處則人溺急時至廁焉能即出乎夫惟積滿胞下空處而不可再容故急急則至廁即出矣或言胞有上口而無下口或言胞上下皆有口或言胞有小竅而為注泄之路不亦妄歟

太陽膀胱經穴

足太陽膀胱之脉起於目内眦上額交巔上

目大角為内眦髮際前為額腦上為巔頂也足太陽巔之脉起目内眦睛明穴上額循攢竹過神庭歷曲差五處承光通天自通天斜行左右相交於頂上百會也

其支別者從巔至耳上角

支別者從巔至百會抵耳上角過率谷浮白竅陰穴所

以散養於經脉也

其直行者從巔入絡腦還出別下項

腦頭髓也腦後為項此直行者由通天穴循絡却玉枕入絡腦復出下項抵天柱也

循肩膊内挾脊抵腰中入循脊腎屬膀胱

肩後之下為肩膊椎骨脊尻上橫骨為腰挾脊為脊

自天社而下過大椎陶道却循肩轉内挾脊兩傍下行歷大杼風門肺俞厥陰俞心俞鬲俞肝俞膽俞脾俞胃俞三焦俞腎俞大腸俞小腸俞膀胱俞中膂内俞白環俞由是抵腰中入循脊絡腎下屬膀胱也

其支別者從腰中下貫脊入膕中

臀尻也挾腰臑骨兩傍為機機後為臀腓腸上膝後曲



處為膈其支別者從腰中循腰踝下挾脊歷上髎次髎  
中髎下髎按髎即腰監骨人脊椎骨有二十一節自  
十六推節而下為腰監骨所掩附而入竅穴則其  
十七至二十九推為腰監骨所掩附而入竅穴則其  
脊第一二空云也會陽在尾髎骨兩旁則十一推乃  
復見而終焉又按督脉當脊中起於長強在十一推下  
等而上之至第十六推下為陽關穴其長強在十一推下  
推皆無穴乃知為會陽下貫腎至承扶殷門浮郤委陽  
膈監骨所掩明矣

其支別者從膊內左右別下貫胛挾脊內過髀樞  
膂內曰胛挾脊肉也其支別者為挾脊兩旁第三行相  
去各三寸之諸穴自天柱而下從膊內左右別行下貫  
胛脊歷附分臑戶膏肓神堂譙譙膈關魂門陽綱意合  
胃倉盲門志室胞盲秩邊下歷尻臀過髀樞也股外為  
髀捷骨之下為髀樞

循髀外後廉下合膈中以下貫膈內出外髀之後循京骨  
至小指外側端

膈腓腸也循髀後廉髀樞之裏承扶之外一寸五分之  
間而下舉前之入膈中者相合下行循合陽穴下貫膈  
內歷承筋承山飛揚附陽出外踝後之崑崙僕參申脉  
金門循京骨束骨通谷至小指外側端之至陰穴以交  
於足少陰也

○此經多血少氣○申時氣血注此○受手太陽之交  
○凡六十三穴左右共一百二十六穴○刺深五分留  
六呼

睛明一名淚空○目內眥明堂云內眥頭外一分宛宛中手足  
太陽足陽明陰蹻陽蹻五脉之會○銅人鍼一寸半留



三呼雀目者可久留鍼然後速鍼禁灸明堂鍼一分半  
資生云面部所鍼淺者一分深者四分素註亦云一分  
是銅人誤以一分為一寸也素註鍼一分留六呼灸三  
壯○主目遠視不明惡風淚出憎寒頭痛目眩內眥赤  
痛眦眦無見皆癢淫膚白翳大眥攀睛弩肉侵睛雀目  
腫子生瘡小兒疳眼

按東垣曰刺太陽陽明出血則目俞明蓋此經多血  
少氣故目翳與赤痛從內眥起者刺睛明攢竹以宣  
泄太陽之熱然睛明刺一分半攢竹刺一分三分為  
適淺深之宜今翳家刺攢竹卧鍼直抵睛明不補不  
瀉而又久留鍼非古人意也

攢竹

一名始元一名  
員柱一名光明

兩眉頭少陷宛宛中○素註鍼三分

留六呼灸三壯銅人禁灸鍼一分留三呼瀉三吸徐徐  
出鍼宜以細三稜鍼刺之宜泄熱氣三度刺目大明明  
堂宜細三稜鍼三分出血灸一壯○主目眦眦視物不  
明淚出目眩瞳子癢目瞢眼中赤痛及臉瞶動不得卧  
頰痛面痛尸厥癲邪神狂鬼魅風眩嚏

曲差○神庭旁一寸五分入髮際○銅人鍼三分灸三壯  
○主目不明眦眦鼻塞鼻瘡心煩滿汗不出頭項痛頂  
腫身體煩熱

五處○夾上星旁一寸五分○銅人鍼三分留七呼灸三  
壯明堂灸五壯○主脊強反折癩癧癩疾頭風熱目眩  
目不明目上戴不識人

承光○五處後一寸五分又云一寸○銅人鍼三分禁灸



○主風眩頭風嘔吐心煩鼻塞不利目生白翳

通天○承光後一寸半○銅人鍼三分留七呼灸三壯○

主瘦氣鼻衄鼻瘡鼻窒鼻多清涕頭旋尸厥口喘喘息

項痛重暫起僵仆癭瘤

絡却一名腦蓋○通天後一寸五分○素註刺三分留五

呼銅人灸三壯○主頭旋耳鳴狂走癩癧恍惚不樂腹

脹青盲內障目無所見

玉枕○絡却後一寸五分又云七分夾腦戶旁一寸三分

起肉枕骨上入髮際二寸○銅人灸三壯鍼三分留三

呼○主目痛如脫不能遠視內連系急失枕頭項痛風

眩頭寒多汗鼻窒不聞

天柱○挾項後髮際大筋外廉陷中○銅人鍼五分得氣

即瀉明堂鍼二分留三呼瀉五吸灸不及鍼日七壯至

百壯下經三壯素註鍼二分留六呼○主頭旋腦痛頭

風鼻不知香臭腦重加脫頂如拔項強不可回顧

大杼○項後第一椎下兩旁相去脊中各一寸五分陷中

正坐取之督脉別絡手足太陽少陽之會○難經曰骨

會大杼疏曰骨痛治此表氏曰肩能負重以骨會大杼

也○銅人鍼五分灸七壯明堂禁灸下經素註鍼三分

留七呼灸三壯資生云非大急不灸○主膝痛不可屈

伸傷寒汗不出腰脊痛胸中鬱鬱熱甚不已頭風振寒

項強不可俛仰痰瘡頭旋勞氣咳嗽身熱目眩腹痛僵

仆不能久立煩滿裏急身不安筋攣癩疾身蹇急大

○東垣曰五藏氣亂在於頭取之天柱失杼不補不瀉



以導氣而已

風門

一名熱府

○二椎下兩旁相去脊各一寸五分正坐取之

○銅人鍼五分素註三分留七呼明堂灸五壯若頻刺

泄諸陽熱氣背永不發癰疽灸五壯○主發背癰疽身

熱上氣短氣欬逆胸背痛風嘔吐傷寒頭項強目瞑胸

中熱

肺俞○第三椎下兩旁相去各一寸五分千金對乳引繩

度之甄權以搭手左取右右取左當中指末是正坐取

之○難經曰陰病行陽故五藏俞皆在陽滑氏曰背為

陽俞史記扁鵲傳作輸猶委輸經氣由此而輸彼也○

甲乙鍼三分留七呼得氣即瀉甄權鍼五分留七呼灸

百壯明下三壯○素問刺中肺三日死其動為效又曰

五日死○主癰氣黃疸勞瘵口舌乾勞熱上氣腰脊強

痛寒熱喘滿虛煩傳尸骨蒸肺痿咳嗽肉痛皮癢嘔吐

支滿不嗜食狂走欲自殺背僂肺中風偃卧胸滿短氣

瞽悶汗出百毒病食後吐水小兒龜背○仲景曰太陽

與少陽併病頭項強痛或眩冒時如結胸心下痞硬者

當刺太陽肺膺肝膺

按素問云刺胸腹者必避五藏中肺者三日死云云

銅人乃按背部各俞穴言之則固矣

厥陰俞

一名關俞

○四椎下兩旁各一寸五分正坐取之○銅

人鍼三分灸七壯○主欬逆牙痛心痛胸滿嘔吐留結

煩悶

或曰藏府皆有俞在背獨心包絡無俞何也曰厥陰



俞即心包絡俞也

心俞○五椎下兩旁相去脊各一寸五分正坐取之○銅人鍼三分留七呼得氣即瀉不可灸明堂灸三壯資生云刺中心一日死其動為噫又曰還死豈可妄鍼千金言中風心急灸心俞百壯當權其緩急可也○主偏風半身不遂心氣亂恍惚心中風偃卧不得傾側悶亂胃絕汗出唇赤狂走發癩語悲泣胸悶亂欬吐血黃疸鼻衄目瞤目昏嘔吐不下食丹毒白狸健忘小兒心氣不足數歲不語

鬲俞○七椎下兩旁相去脊中一寸五分正坐取之○難經曰血會鬲俞疏曰血病治此蓋上則心俞心主血下則肝俞肝藏血故鬲俞為血會又足太陽多血血乃水

之象也○銅人鍼三分留七呼灸三壯素問刺中鬲皆為傷中其病難愈不過一歲必死○主心痛周痺吐食翻胃骨蒸四支怠惰嗜卧痲痺欬逆嘔鬲胃寒痰食吐飲不下熱病汗不出身重常溫不能食食則心痛身痛臙脹脇腹滿自汗盜汗

肝俞○九椎下兩旁相去脊中各一寸五分正坐取之○經曰東風傷於春病在肝俞○銅人鍼三分留六呼灸三壯明堂灸七壯素問刺中肝五日死其動為欬○主多怒黃疸鼻酸熱病後目暗淚出目眩氣短欬血目上視欬逆口乾寒疝筋寒熱瘕筋急相引轉筋入腹將死○千金云欬引兩脇急痛不得息轉側難擗肋下與脊相引而反折目上視目眩循眉頭驚狂軌衄起則目眦



眊生白翳欬引胸中痛寒疝小腹痛唾血短氣熱病差  
後食五辛目暗肝中風踞坐不得低頭繞兩目連額上  
色微青積聚否痛

膽俞○十椎下兩旁相去脊中各一寸五分正坐取之○  
銅人鍼五分留七呼灸三壯明堂鍼三分下經灸五壯  
素問刺中膽一日半死○主頭痛振寒汗不出腋下腫  
心腹脹口苦舌乾咽痛乾嘔吐骨蒸勞熱食不下目黃  
按資生經所載崔知悌平取四花穴上二穴是鬲俞  
下二穴膽俞四穴主血故取此以治勞瘵後世誤以  
四花為斜取非也

脾俞○十一椎下兩旁相去脊中各一寸五分正坐取之  
○銅人鍼三分留七呼灸三壯明堂灸五壯素問刺中

脾十日死其動為吞又曰五日死○主多食身疲瘦吐  
涎汗痲痺積聚脇下滿洩利痰瘡寒熱水腫氣脹引脊  
痛黃疸喜欠不嗜食

胃俞○十二椎下兩旁相去脊中各一寸五分正坐取之  
○銅人鍼三分留七呼灸隨年為壯明堂灸三壯下經  
七壯○主癯亂胃寒腹脹而鳴齶胃嘔吐不嗜食多食  
羸瘦目不明腹痛胸脇支滿脊痛筋攣小兒羸瘦不生  
肌膚○東垣曰中濕者治在胃俞

三焦俞○十三椎下兩旁相去脊中各一寸五分正坐取  
之○銅人鍼五分留七呼灸三壯明堂鍼三分灸五壯  
○主臧府積聚脹滿羸瘦不能飲食傷寒頭痛飲食吐  
逆肩背急腰脊強不得俛仰水穀不化泄注下利腹脹



腸鳴目眩頭痛

腎俞○十四椎下兩旁相去脊中各一寸五分與臍平正坐取之欲知背俞先度其兩乳間中折之更以他草度去半已即以兩隅相拄也乃舉以度其背令其一隅居上齊脊大椎兩隅在下當其下隅者肺之俞也復下一度心之俞也復下一度肝之俞也脾之俞也復下一度腎之俞也○銅人鍼三分留七呼灸以年為壯明堂灸三壯○素問刺中腎六日死其動為噫又五日死○主虛勞羸瘦耳聾腎虛水藏久冷心腹填滿脹急兩脇滿引小腹急痛脹熱小便淋目視眈眈少氣溺血小便濁出精夢泄腎中風踞坐而腰痛消渴五勞七傷虛憊脚膝拘急腰寒如水頭重身熱振慄食多羸瘦面黃黑腸

鳴膝中四肢淫灤洞洩食不化身腫如水女人積冷氣成勞乘經交接羸瘦寒熱往來

大腸俞○十六椎下兩旁相去脊中各一寸五分伏取之○銅人鍼三分留六呼灸三壯○主脊強不得俛仰腰痛腹中氣脹繞臍切痛腸鳴引脊痛多食身瘦腹中雷鳴大腸中風而鳴大腸瀉滯腸癖洩利白痢食不化小腹絞痛大小便難○東垣云中燥治在大腸俞

小腸俞○十八椎下兩旁相去脊中各一寸五分伏而取之○銅人鍼三分留六呼灸三壯○主膀胱三焦津液少大小腸寒熱小便赤不利淋瀝遺溺小腹脹滿疔痛泄痢膿血五色赤痢下重腫痛脚腫五痔頭痛虛乏消渴口乾不可忍婦人帶下○東垣云中者治在小腸俞



膀胱俞○十九椎下兩旁相去脊中各一寸五分伏取之  
○銅人鍼三分留六呼灸三壯明堂灸七壯○主風勞  
脊急強小便赤黃遺溺陰生瘡少氣脛寒拘急不得屈  
伸腹滿大便難洩利腹痛脚膝無力女子癥聚

中膂內俞

一名脊  
四俞

○二十椎下兩旁相去脊中各一寸五

分夾脊伸起肉伏取之○銅人鍼三分留十呼灸三壯  
明堂云腰痛夾脊裏痛上下按之應者從項至此穴痛  
皆宜灸○主腎虛消渴腰脊強不得俛仰腸冷赤白痢  
疝痛汗不出腹脹脇痛

白環俞○二十一椎下兩旁相去脊中各一寸五分伏取  
之一云捷伏地端身兩手相重支額縱息令皮膚俱緩  
乃取其穴○素註鍼五分得氣則先瀉瀉訖多補之不

宜灸明堂云灸三壯○主手足不仁腰脊痛疝痛大小  
便不利腰髓疼脚膝不遂溫瘧脊冷疼不得久卧勞腰  
損虛風腰背不便筋攣痺縮虛熱閉塞

上髎○第一空腰踝下一寸夾脊陷中足太陽少陽之絡  
○銅人鍼三分灸七壯○主大小便不利嘔逆膝冷痛  
鼻衄寒熱瘧陰挺出婦人白瀝絕嗣○大理趙卿患偏  
風不能起跪甄權鍼上髎環跳陽陵泉巨虛下廉即能  
起跪○八髎總治腰痛

次髎○第二空夾脊陷中○銅人鍼三分灸七壯○主大  
小便不利腰痛不得轉搖背膝寒小便赤心下堅脹疝  
氣下墜足清不仁陰氣痛腸鳴注泄偏風婦人赤白淋  
中髎○三空夾脊陷中足厥陰少陽所結之會○銅人鍼



二分留十呼灸三壯○主大小便不利腹脹下利五勞  
七傷六極大便難小便淋瀝飧泄婦人帶下月事不調  
下膠○四空夾脊陷中○銅人鍼二分留十呼灸三壯○  
主大小便不利腸鳴注瀉寒濕內傷大便下血腰不得  
轉痛引卵女子下蒼汁不禁中痛引小腸急痛  
會陽一名利機陰尾尻骨兩旁○銅人鍼八分灸五壯○主腹  
寒熱氣冷氣泄瀉久痔腸痔下血陽氣虛乏陰汗濕  
承扶一名肉却一名陰關一名皮部○尻臀下股陰上中又云尻臀下  
陷文中○銅人鍼七分灸三壯○主腰脊相引如解久  
痔尻臀腫大便難陰包有寒小便不利  
殷門○肉却下六寸○銅人鍼七分○主腰脊不可俛仰  
舉重惡血泄注外股腫

浮却○委陽上一寸展膝得之○銅人鍼五分灸三壯○  
主瘡亂轉筋小腸熱大腸結脛外經筋急髀樞不仁小  
便熱大便堅

委陽○承扶下一寸六分屈伸取之足太陽之前少陽之  
後出於膈中外廉兩筋間三焦下輔俞足太陽之別絡  
○素註鍼七分留五呼灸三壯○主腰脊痛不可俛仰  
引陰中不得小便癰癧癩疾小腹堅傷寒熱甚

委中一名血却○膈中央約文動脈陷中令人面挺伏地卧取  
之足太陽膀胱脈所入為合土○素註鍼五分留七呼  
銅人鍼八分留三呼瀉七吸甲乙鍼五分灸三壯素問  
刺委中大脉令人仆脫色○主膝痛及拇指腰夾脊沉  
沉然遺溺腰重不能舉小腹堅滿體風痺髀樞痛可出



血痼癰皆愈傷寒四肢熱病汗不出取其經血立愈熱  
委中者血却也大風髮眉隨落刺之出血

附分○二椎下附項內廉兩旁相去脊中各三寸正坐取  
之手足太陽之會○銅人鍼三分素註刺八分灸五壯  
○主肘不仁肩背拘急風冷客於腠理頸痛不得回顧  
魄戶○直附分下三椎下兩傍相去脊中行各三寸正坐  
取之○銅人鍼五分得氣即瀉又宜久留鍼日灸七壯  
至百壯素註五壯○主背膊痛虛勞肺痿三尸走瘥項  
強急不得回顧喘息欬逆嘔吐煩滿

膏肓俞○四椎下近五椎上兩旁相去脊中各三寸正坐  
曲脊伸兩手以臂著膝前令端直手大指與膝頭齊以  
物支肘毋令搖動取之○銅人灸百壯多至五百壯當

覺驚若驚然似水流之狀亦當有所下若無停痰宿飲則  
無所下也如病人已困不能正坐當令側卧挽上臂令  
取穴久之又當灸臍下氣海丹田閔元中極四穴中取  
一穴又灸足三里以引火氣實下○主無所不療羸瘦  
虛損傳尸骨蒸夢中失精上氣欬逆發狂健忘痰病○  
左傳成公十年晉侯疾病求醫於秦使醫緩秦醫名緩為  
之未至分夢疾為二豎子曰彼良醫也懼傷我焉逃之  
其一曰居肓之上膏之下若我何醫至曰疾不可為也  
在肓之上膏之下攻之不可達之不及藥不至焉不可  
為也公曰良醫也厚為之禮而歸之○孫思邈曰特人  
拙不能得此穴所以宿病難遣若能用心方便求得灸  
之無疾不愈矣



按先儒謂左氏失之誣其所載固未足信而思邈所  
譏恐未中理何者如使天下無不可醫之疾則思邈  
所著千金翼方二書具存其方其法豈能百發百中  
哉以是知鏡川上工十全之論有為而發也又按育  
鬲也心下為膏又曰凝者為脂釋者為膏又曰膏連  
心脂膏也

楊文懿文集云周官論醫事以十全為上失一二  
三四次之十失四為下吾嘗疑之夫疾有淺深則  
醫有難易淺者雖庸醫可十全也使越人逢若齊  
侯者三四使和緩逢若晉侯者三四則皆失之矣  
果熟為上下乎

神堂○五椎下兩旁相去脊中各三寸陷中正坐取之○

銅人鍼三分灸五壯明堂灸三壯素註鍼五分○主腰  
背脊強急不可俛仰洒淅寒熱胸腹滿氣逆上攻時體  
譴譎○肩膊內廉俠六椎下兩旁相去脊中各三寸正坐  
取之以手重按病人言譴譎應手○素註留七呼銅人  
鍼六分留三呼瀉五吸灸二七壯止百壯明堂灸五壯  
○主大風汗不出勞損不得卧溫瘧寒瘧皆悶氣滿腹  
脹氣眩胃中痛引腰背腋拘脇痛目眩目痛鼻衄喘逆  
臂膊內廉痛不得俛仰小兒食時頭痛五心熱

鬲關○八椎下兩旁相去脊中行各三寸陷中正坐開肩  
取之○銅人鍼五分灸三壯○主背痛惡寒脊強俛仰  
難食飲不下嘔噦多涎唾胸中噎悶大便不節小便黃  
魂門○九椎下兩旁相去脊中各三寸陷中正坐取之外



臺云十椎下○銅人鍼五分灸三壯○主尸厥走疰胸  
背連心痛食飲不下腹中雷鳴大便不節小便赤黃  
陽綱○十椎下兩旁相去脊中行各三寸正坐闕肩取之  
外臺云十一椎下○銅人鍼五分灸三壯下經灸七壯  
○主腸鳴腹痛飲食不下小便赤澁腹脹身熱大便不  
節泄痢赤黃不嗜食怠惰  
意舍○十一椎下兩旁相去脊中各三寸正坐取之外臺  
云九椎下○銅人鍼五分灸五十壯至百壯明堂五十  
壯下經灸七壯素註二壯甲乙三壯鍼五分○主腹滿  
虛脹大便滑泄小便赤黃背脊痛惡風寒食飲不下嘔吐  
消渴身熱目黃  
胃倉○十二椎下兩旁相去脊中各三寸正坐取之○銅

人鍼五分灸五十壯甲乙三壯○主腹滿虛脹水腫食  
飲不下惡寒背脊痛不得俛仰

三  
盲門○十一椎下兩旁相去脊中行各三寸陷中又肋門

與鳩尾相直正坐取之○銅人灸三十壯鍼五分又云  
灸二壯○主心下痛大便堅婦人乳疾

志室○十四椎下兩旁相去脊中行各三寸陷中正坐取  
之○銅人鍼五分灸三壯明堂灸七壯○主陰腫陰痛  
背痛腰脊強直俛仰不得飲食不消腹強直夢遺失精  
淋瀝吐逆兩脇急痛癰亂

胞育○十九椎下兩旁相去脊中行各三寸陷中伏而取  
之○銅人鍼五分灸五七壯明堂五十壯甲乙三壯○  
主腰脊急痛食不消腹堅急腸鳴淋瀝不得大小便瘞



閉下腫

秩邊○二十椎下兩旁相去脊中行各三寸陷中伏取之  
○銅人鍼五分明堂灸三壯鍼三分○主五痔發腫小  
便赤腰痛

或曰太陽膀胱行皆第二行自大杼至白環俞十七  
穴云第幾椎下兩旁相去各一寸半第三行自附分  
至秩邊十四穴云某椎下兩旁相去各三寸當除去  
脊骨一寸外量取之不然不應太近椎也曰旁者指  
第二第三行髎穴皆在脊之旁也按滑氏云自大杼  
至白環諸穴並第二行相去脊中各一寸五分歌云  
自從大杼至白環相去脊中三寸間夫既曰脊中則  
自脊骨中間量取而非骨外量取明矣○大按背部

穴共五行督脉在中太陽經四行在兩旁其穴又皆  
揣摩脊骨各開取之如瘦人骨露易取肥人脊隱難  
摸取穴勿不得其真須先將瘦人量取定將瘦人同  
身尺寸自某處起至本處是穴然後將肥人同身尺  
寸若干亦自某處起量至某處是穴假如取膏肓穴  
先將瘦人揣摩得四椎下五椎上用墨點記却將稻  
桿心一條自結喉下圍轉到墨點處截斷稻桿兩頭  
用瘦人中指兩文角寸法量得此稻桿二十一寸強  
又別將稻桿一條量取肥人中指節兩文頭寸法二  
十一寸強截斷自肥人結喉下圍量至稻桿並頭盡  
處用墨點記即是膏肓矣餘倣此○或曰素問論五  
藏俞灸之則可刺之則不可故玉燾亦以鍼能殺生



人不能起死人取灸而不取鍼蓋亦有所據也而銅人明堂千金諸書於五藏俞穴鍼灸並載何如曰按素問血氣形志論及遺篇俱論藏俞刺法以是知素問非成於一人之手也如背俞止鍼三四分漢書所載魏樊阿得鍼法於華陀其刺胸背深入二二寸巨闕藏俞乃五寸而病皆瘳是又不以繩墨拘也

合陽○約文中下三寸○銅人鍼六分灸五壯○主腰脊強引腹痛陰股熱疔痠腫步履難寒疝陰偏痛女子崩中帶下

承筋一名膈腸一名直腸○膈腸中央陷中脛後從脚跟上七寸○銅人灸三壯禁鍼明堂鍼三分千金禁鍼資生云三說不同不刺可也○主腰背拘急大便秘脹痔瘡瘰

不仁膈痠脚急跟痛腰痛鼻衄衄癰亂轉筋

丞山一名魚腹一名肉柱一名傷山兌膈腸下分肉間陷中一云腿肚下

分肉間○鍼經云取血須用兩手高托按壁上兩足指離地用足大指尖堅起上看足兌膈腸下分肉間○銅人灸一壯鍼七分明堂鍼八分得氣即瀉速出鍼灸不及鍼止七七壯下經灸五壯○主大便不通轉筋痔腫戰慄不能立脚氣膝腫脛痠脚跟痛筋急痛脚氣膝下腫癰亂急食不通傷寒水結

飛揚一名厥陽○外踝骨上七寸足太陽絡脉別走少陰○銅

人鍼三分灸三壯明堂灸五壯○主痔腫痛體重起坐不能步履不收脚膈痠腫戰慄不能久立久坐足指不能屈伸目眩目痛歷節風逆氣癰疾寒瘡○實則熱寒



頭背痛瀉之虛則軌衄補之

附陽○外踝上三寸太陽前少陽後筋骨之間陽蹻脉却  
○素註鍼六分留七呼灸三壯明堂灸五壯○主霍亂  
轉筋腰痛不能久立坐不能起髀樞股肱痛痿厥風痺  
不仁頭重頓痛時有寒熱四肢不舉

崑崙○足外踝後跟骨上陷中細脉動應午足太陽膀胱  
脉所行為經火○素註鍼五分留十呼銅人鍼三分灸  
三壯姓婦刺之落胎○主腰尻脚氣足臑腫不得履地  
軌衄胸如結踝如裂頭痛脊背拘急欬喘滿腰脊內引  
痛偃僂陰腫痛目眩目痛如脫瘡多汗心痛與背相接  
婦人字難包衣不出小兒發癩瘰癧○東垣曰鍼經云  
上氣不足腦為之不滿耳為之苦鳴頭為之傾目為之

瞑中氣不足溲便為之變腸為之苦鳴下氣不足則為  
痿厥心悅補足外踝留之

僕參

一名安邪

足跟骨下陷中拱足得之陽蹻之本○銅人鍼  
三分灸七壯明堂三壯○主足痿失履不收足跟痛不

得履地霍亂轉筋吐逆尸厥癰癩狂言見鬼脚氣膝腫

申脉

即陽蹻

○外踝下五分陷中容爪甲白肉際陽蹻脉所  
出○銅人鍼三分素註留七呼灸三壯甲乙七呼刺腰

痛篇註留七呼○主風眩腰脚痛齧酸不能久立如在  
舟中勞極冷氣逆氣腰髁冷痺脚膝屈伸難婦人血氣  
痛○潔古曰癰病盡發灸陽蹻

金門

一名梁閔

○外踝下甲脉下一寸足太陽却陽維別屬○  
銅人鍼一分灸三壯○主癰亂轉筋尸厥癰癩暴疝膝



足少陰腎經



筋痠身軟不能久立小兒張口搖頭身反

京骨○足外側大骨下赤白骨際陷中按而得之小指本  
 節後大骨名京骨其穴在骨下足太陽脉所過為原膀胱  
 虛實皆按之○銅人鍼三分留七呼灸七壯明堂五  
 壯素註三壯○主頭痛如破腰痛不可屈伸身後痛身  
 側痛目內眥赤爛白翳夾內眥起目反白目眩發瘧寒  
 熱喜驚不欲食筋攣足筋痛髀樞痛頸項強腰背不可  
 俛仰偃俛鼻軌不止心痛

束骨○足小指外側本節後赤白肉際陷中足太陽脉所  
 注為俞木膀胱實瀉之○銅人灸三壯鍼三分留三呼  
 ○主腰脊痛如折髀不可曲脰如結膈如裂耳聾耳惡風  
 寒頭顙項痛目眩身熱目黃淚出肌肉動項強不可回



腎有兩枚重一斤一兩狀如石卵附著於脊之十四椎當胃下兩旁

北方黑色入通於腎開竅於二陰藏精於腎故病在谿其味鹹其類水其畜彘其應四時上為辰星是以知病之在骨也其音羽其數六其臭腐其液唾其色黑

北方生寒寒生水生鹹鹹生腎腎生骨髓骨髓生肝腎水生耳其在天為寒在地為水在體為骨在藏為腎在色為黑在音為羽在聲為呻在變動為慄在竅為耳在味為鹹在志為恐恐傷腎思勝恐寒傷血濕勝寒鹹傷血甘勝鹹○腎者作強之官伎巧出焉

腎者主蟄封藏之本精之處也其華在髮其充在骨為陰中之少陰通於冬氣○腎之合骨也其榮髮也其主脾也

經內

藏各有一腎獨有兩者何也然兩者非皆腎也其左者為腎右者為命門命門者諸精神之所舍原氣之所係也男子以藏精女子以係胞故知腎有二也

程可久曰北方常配二物故易惟坎加習於物為龜蛇於方為朔為北於大玄為玄為真

滑氏曰腎雖有左右命門之分其氣相通實皆腎也合而觀之謂之五藏五府可也六藏六府亦可也

七節之旁中有小心

心為火腎為相火故曰小心七節自尾骶數上又心胞絡為腎之配

腎氣通於耳耳和則知五音矣



腎氣虛。夢見舟船溺人。得其時則夢於水中。若有所畏則

恐

腎色黑。欲如重漆。色不欲如炭色。

腎氣絕。即骨枯。少陰者冬脉也。伏行而溫於骨髓。骨髓不  
溫。則肉不著骨。骨肉不相親。即肉濡而却。故齒長而枯。髮  
無潤澤。骨先死。戊日篤。巳日死。○原病式曰。仙經云。先生  
左腎則為男。先生右腎則為女。丹溪曰。錢仲陽腎有補無  
瀉。又曰。主閉藏者腎也。施疏泄者肝也。二藏皆有火。而其  
系上屬於心。心者君火也。為物所感。則易動。心動則相火  
翕然而隨。雖不交會。亦暗流而疏泄矣。○又曰。火有二。曰  
君火。曰相火。以名而言。形質相生。配於五藏。故謂之君以  
位而言。守位稟命。故謂之相。人有此生。而恒於動者。以相

火助之也。見於天者。出於龍雷。則木之氣出於海。則水之  
氣具於人者。寄於肝腎。肝屬木。而腎屬水。人非此火。不能  
以有生。天之火出於木。而本於地。故雷非蟄海。非附於地  
則不能鳴。不能飛。不能波也。鳴也。飛也。波也。動而主火者  
也。肝腎之陰。悉具相火。人而同乎天也。

王節齋曰。古方濕補藥。皆無補右尺命門相火。如八味  
丸之類  
不知左腎原虛。右腎原王。若兩腎平補。依舊火勝於水。  
只補其左。制其右。錢氏六味地黃丸冊  
溪虎潛補陰之類庶得水火相平  
也。

足少陰腎經穴

足少陰之脉起於小指之下。斜趨足心。

趨向也。足少陰起小指之下。斜趨足心之湧泉。



出然谷之下循内踝之後别入眼中上膈内出膈内廉  
跟足根也由湧泉轉出足内踝然谷穴下循内踝大谿  
穴别入眼中之大鍾照海水泉乃折自大鍾之外上循  
内踝行厥陰太陰之後經復溜交信過三陰交上膈内  
循築賓出膈内廉抵陰谷也  
上股内後廉貫脊屬腎絡膀胱

由陰谷上股内後廉貫脊會於脊之長強穴還出於前  
循橫骨大赫氣穴四滿中注盲俞當盲俞之所臑之左  
右屬腎下臑過關元中極而絡膀胱也

其直行者從腎上貫肝膈入肺中循喉嚨挾舌本

直行者從盲俞屬腎處上行循高曲石關陰陰都通谷  
諸穴貫肝上循幽門上膈歷步廊入肺中循神封靈墟

神藏或中俞府而上循喉嚨並人迎挾舌本而絡也

其支者從肺出絡心注胸中

兩乳間為胸支者自神藏别出繞心注胸之膻中以交  
於手厥陰也

○此經多血少氣○酉時氣血注此○受足太陽之交

○凡二十七穴左右共五十四穴○刺深二分留二呼

湧泉

一名地衝

○足心陷中屈足捲指宛宛中跪取之足少陰

脉所出為井木實則瀉之○銅人鍼五分無令出血灸

三壯明堂灸不及鍼素註刺三分留三呼○主尸厥面

黑如炭色欬吐有血喝而喘坐欲起目眦眦無所見善

恐惕惕如人將捕之舌乾咽腫上氣噤乾煩心痛黃

疸腸辟股内後廉痛痿厥嗜卧善悲欠小腹急痛泄而



下重足脛寒而逆腰痛大便難心中結熱風癩風痼心病飢不嗜食咳嗽身熱喉閉舌急失音卒心痛喉痺胸脇滿悶頸痛目眩五指端盡痛足不踐地足下熱男子如蠱女子如娠婦人無子轉胞不得尿○千金翼云主喜喘脊脇相引忽忽喜忘陰痺腹脹腰痛不欲食喘逆足下清至膝咽中痛不可納食瘡不能言小便不利小腹痛風入腸中癩病夾臍痛急衄不止五疝熱病先腰痠喜渴數引飲身項痛而寒且痠足熱不欲言頭痛癩癩然少氣寒厥霍亂轉筋腎積黃脈○漢濟北王阿母病患熱厥足熱淳于意刺足心立愈

然谷一名龍淵○足內踝前起大骨下陷中一寸內踝前在下

人灸三壯鍼三分留三呼不宜見血令人立飢欲食刺足下布絡中脉血不出為腫○主咽內腫不能內唾時不能出唾心恐懼如人將捕涎出喘呼少氣足跗腫不得履地寒疝小腹脹上搶胸脇欬唾血喉痺淋歷白濁骭痠不能久立足一寒一熱舌縱煩滿消渴自汗盜汗出痿厥洞泄心痛如錐刺墜惡血留內腹中男子精墮泄婦人無子陰挺出月事不調陰癢初生小兒臍風口噤

太谿一名呂細足內踝後跟骨上動脉陷中男子婦人病有此脉則生無則死足少陰腎脉所注為俞土○素註鍼三分留七呼灸三壯○主久瘡嗽逆心痛如錐刺心脉沉手足寒至節喘息嘔吐痰實口中如膠善噫寒疝熱病



汗不出黥黥嗜卧溺黃消痺大便難咽腫唾血瘰癧寒熱嗽嗽不嗜食腹脇痛瘦脊傷寒手足厥冷○東垣曰成痿者以道濕熱引胃氣出行陽道不令濕土尅腎水其穴在太谿

大鍾○足跟後踵中大骨上兩筋間足少陰絡別走太陽○銅人灸三壯鍼二分留七呼素註留三呼○主嘔吐胸脹喘息腹滿便難腰脊痛少氣淋瀝洒淅腹脊強嗜卧口中熱多寒欲閉戶而處少氣不足舌乾咽中食饑不得下善驚恐不樂喉中鳴欬唾氣逆煩悶○實則閉瘰瀉之虛則腰痛補

照海○足內踝下陰蹻脉所主○素註鍼四分留六呼灸三壯○銅人鍼三分灸七壯明堂灸三壯○主咽乾心

悲不樂四肢懈惰久瘧卒疝嘔吐嗜卧大風黥黥不知所痛視如見星小腹痛婦女經逆四肢淫樂陰暴跳起或癢漉清汁小腹偏痛淋陰莖挺出月水不調○潔古曰癰病夜發灸陰蹻照海穴也

水泉○太谿下一寸內踝下少陰却○銅人灸五壯鍼四分○主目眈眈不能遠視女子月事不來來即心下多悶痛陰挺出小便淋瀝腹中痛

復溜一名昌陽一名伏白足內踝上二寸筋骨陷中前旁骨是復溜後旁筋是交信二穴止隔一條筋足少陰脉所行為經

金腎虛補之○素註鍼三分留七呼灸五壯明堂七壯○主腸澼腰脊內引痛不得俛仰起坐目視眈眈善怒多言舌乾胃熱虫動涎出足痿不收履斲寒不自温腹



中雷鳴腹脹如鼓四肢腫十種水病青赤黃白黑青取  
井赤取榮黃取俞白取經黑取合血痔泄後腫五淋血  
淋小便如散火骨寒熱盜汗汗不止齧齒脉微細不注  
見或時無脉

交信○足内踝骨上二寸少陰前太陰後廉筋骨間陰蹻  
之却○銅人鍼四分留十呼灸三壯素註留五呼○主  
氣淋癘疔陰急陰汗瀉痢赤白氣熱癰股樞髀内痛大  
小便難淋女子漏血不止陰挺出月水不來小腹偏痛  
四肢淫樂盜汗出

築賓○内踝上五寸腓分中陰維之却○銅人鍼四分留  
五呼灸三壯素註刺三分灸五壯○主癰疔胎疔癘疾  
狂易妄言怒罵吐舌嘔吐涎沫足腓痛

陰谷○膝下内輔骨後大筋下小筋上按之應手屈膝乃  
得之少陰脉所入為合水○銅人鍼四分灸三壯○足  
主膝痛如錐不得屈伸縱泄下煩逆溺難小便急引陰  
痛陰痿股内廉痛婦人漏下不止腹脹滿不得息小便  
黃男子如蠱女子少娠

橫骨○大赫下一寸育俞下五寸陰上橫骨中宛曲如仰  
月中央去腹中行各一寸半素註去中行一寸足少陰  
衝脉之會○銅人灸三壯素註鍼一寸灸五壯○主淋  
小便不通陰器下縱引痛小腹滿目赤痛從内皆始五  
藏虛竭失精

大赫一名陰維氣穴下一寸去腹中行灸一寸半素註一  
寸足少陰衝脉之會○銅人灸五壯鍼三分素註鍼一



寸灸三壯○主虛勞失精陰痿精溢陰上縮莖中痛目赤痛從內皆始婦人赤沃

氣穴一名胞門一名子戶四滿下一寸去腹中行兩旁各一寸半足

少陰衝脉之會○銅人灸五壯鍼三分素註鍼一寸灸

五壯○主賁脰氣上下引脊痛洩利不止目赤痛從內

皆始婦人月事不調

四滿一名髓中中注下一寸氣穴上一寸去腹中行各一寸半

足少陰脉衝脉之會○銅人鍼三分灸三壯○主積聚

疝瘕腸澼大腸有水臍下切痛振寒目內皆赤痛婦人

月水不調惡血疔痛奔脉上下無子

中注○旨俞下一寸去腹中行各一寸半足少陰衝脉之

會○銅人鍼一分灸五壯○主小腹有熱大便堅燥不

顧目內皆赤爛腸澼泄痔瘡癩狂發背癰疽背生疔瘡

通谷○足小指外側本節前陷中足太陽脉所流為榮水

○銅人鍼二分留五呼灸三壯○主頭重目眩善驚引

軌衄項痛目眦眦留飲胸滿食不化失欠○東垣曰胃

氣下溜五藏氣亂在於頭取天柱大杼不知深取通谷

束骨

至陰○足小指外側去爪甲角如韭葉足太陽脉所出金

井金膀胱虛補之○銅人鍼二分灸三壯素註鍼一分

留留五呼○主目生翳鼻塞頭重風寒從足小指起脉


痺上下帶胸脇痛無常處轉筋寒瘡汗不出煩心足下

熱小便不利失精目痛大皆痛○太陽根結篇云太陽

根於至陰結於命門命門者目也



腎藏



利泄氣上下引腰脊痛目内眦赤痛女子月事不調

盲俞○商曲下一寸去臍中五分素註一寸足少陰衝脉

之會○銅人鍼一寸灸五壯○主腹切痛寒疝大便燥

腹滿鄉音鄉音然不便心下有寒目赤痛從内眦始

按諸家俱以疝主於腎故足少陰經窵穴多兼治疝

丹谿以疝本肝經與腎絕無相干足以正千古之訛

商曲○石關下一寸出腹中行各五分素註一寸足少陰

衝脉之會○銅人鍼一寸灸五壯○主腹痛腹中積聚

時切痛腸中痛不嗜食目赤痛從内眦始

石關○陰都下一寸去腹中行各五分素註一寸足少陰

衝脉之會○銅人鍼一寸灸三壯○主噦噫嘔逆腹痛

氣淋小便黃大便不通心下堅滿脊強不利多唾目赤



痛從內皆始婦人子藏有惡血血上衝腹痛不可忍

陰都一名官通谷下一寸夾胃腕兩邊相去五分素註一寸

足少陰衝脉之會○銅人鍼三分灸三壯○主心滿逆

氣腸鳴肺脹氣搶脇下熱痛目赤痛從內皆始

通谷○幽門下一寸夾上腕兩旁相去五分素註一寸十

四經發揮云自商至通谷去腹中行各五分素註自曲

盲俞至幽門去中行各一寸足少陰衝脉之會○銅人

鍼五分灸五壯明堂灸三壯○主失欠口喎食飲善嘔

暴瘖不能言結積留飲痰癖胸滿食不化心恍惚喜嘔

目赤痛從內皆始

幽門○夾巨闕兩旁各五分陷中明堂云巨闕旁一寸五

分千金云夾巨闕一寸按幽門當在足陽明胃經任脉二脉之中衝脉所會

○銅人鍼一寸灸五壯○主小腹脹滿嘔吐涎沫喜唾

煩悶胸痛胸中滿不嗜食逆氣欬徒忘洩利膿血目赤

痛從內皆始女子心腹逆氣

步廊○神封下一寸六分陷中去胸中行二寸仰而取之

○素註鍼四分銅人鍼三分灸五壯○主胸脇支滿痛

引胸鼻塞不通不得息呼吸少氣欬逆嘔吐不嗜食不

得舉臂

神封○靈墟下一寸六分陷中胸中行名開二寸○素註

鍼四分銅人鍼三分灸五壯○主胸脇支滿痛引胸不

得息咳逆嘔吐胸滿不嗜食

靈墟○神藏下一寸六分陷中去中行各開一寸○素註

鍼四分銅人鍼三分灸五壯○主胸脇支滿痛引胸不

得息咳逆嘔吐胸滿不嗜食



手厥陰心包絡經



得息欬逆嘔吐胸滿不嗜食  
 神藏○或中下一寸六分陷中去胸中行二寸○銅人灸  
 五壯鍼三分素註四分○主嘔吐欬逆喘不得息胸滿  
 不嗜食  
 或中○俞府下一寸六分去胸中行二寸仰而取之○銅  
 人鍼四分灸五壯明堂灸三壯 主欬逆喘息不能食  
 胸脇支滿涎出多唾  
 俞府○巨骨下旋璣旁二寸陷中仰而取之○素註刺四  
 分銅人鍼三分灸五壯下經灸三壯○主欬逆上氣嘔  
 吐喘嗽腹脹不下食飲胸中痛  
 按錢氏於腎有補無瀉故於藥亦止制補腎地黃丸  
 而無瀉腎藥也



心包絡右腎之配

心包絡在心下橫膜之上豎膜之下與橫膜相粘而黃脂裹者心也其脂膜之外有細筋膜如絲與心肺相連者心包也

滑氏云手厥陰心主又曰心包何也曰君火以名相火以位手厥陰代君火行事以用而言故曰手厥陰心主以經而言曰心包絡一經而二名實相火也

手厥陰經穴

手厥陰之脉起於胸中出屬心包下鬲歷絡三焦

手厥陰受足少陰之交起於胸中出屬心包由是下鬲歷絡於三焦之上腕中腕及臍下一寸下焦之分也

其支者循胸出脇下腋三寸上抵腋下下循臍內行太陰

少陰之間入肘中

脇上際為腋自屬心包上循胸出脇下腋三寸天池穴上行抵腋下下循臍內之天泉穴以介乎太陰少陰兩經之中間入肘中之曲澤也

下循行兩筋之間入掌中循中指出其端

由肘中下臂行臂兩筋之間循却門間使內關大陵入掌中勞宮穴循中指出其端之中衝云

其支別者從掌中循小指次指出其端

小指次指無名指也自小指而逆數之則為次指云其支別者自掌中勞宮穴別行循小指次指出其端而交於手少陽也

○此經多血少氣○戌時氣血注此○受足少陰之交



○凡九穴左右共一十八穴

天池一名天會腋下三寸乳後一寸着脇直腋擗肋間手足厥

陰少陽之會○銅人灸三壯鍼二分甲乙鍼七分○主

胸中有聲胸膈煩滿熱病汗不出頭痛四肢不舉腋下

腫上氣寒熱痰瘰

天泉一名天濕曲腋下二寸舉臂取之○銅人鍼六分灸三壯

○主目眵眵不明惡風寒心病胸脇支滿欬逆膺背胛

臂內廉痛

曲澤○肘內廉下陷中屈肘得之心包絡脉所入為合水

○銅人灸三壯鍼三分留七呼○主心痛善驚身熱煩

渴口乾逆氣嘔涎血心下澹澹身熱風疹臂肘手腕善

搖動搖頭清汗出不過肩傷寒逆氣嘔吐

郄門○掌後去腕五寸手厥陰心包絡脉郄○銅人鍼三

分灸五壯○主嘔血衄血心痛嘔噦驚恐畏人神氣不

足

間使○掌後三寸兩筋間陷中心包絡脉所行為經金○

素註鍼六分留七呼銅人鍼三分灸五壯明堂七壯甲

乙三壯○主傷寒結胸心懸如肌卒狂胸中澹澹惡風

寒嘔沫怵惕寒中少氣掌中熱腋腫肘攣卒心痛多驚

中風氣塞涎上昏危瘡不得語咽中如梗鬼邪霍亂乾

嘔婦人月水不調血結成塊少兒客忤

內關○掌後腕二寸兩筋間與外關相抵手心主之絡別

走少陽○銅人鍼五分灸三壯○主手中風熱失志心

痛目赤支滿肘攣○實則心暴痛瀉之虛則頭強補之




大陵○掌後骨下兩筋間陷中手厥陰心包絡脉所注為  
俞土心包絡實瀉之○銅人鍼五分素註鍼六分留七  
呼灸三壯○主熱病汗不出手心熱肘臂攣痛腋腫善  
笑不休煩心心懸若飢心痛掌熱喜悲泣驚恐目赤目  
黃小便如血嘔哕無度狂言不樂喉痺口乾身熱頭痛  
短氣胸脇痛癆瘡疥癬○東垣曰胃氣下溜五藏氣亂  
在於心者取之心主之俞大陵同精導氣以復其本位  
勞宮一名五里  
一名掌中○掌中央動脉銅人屈無名指取之資生  
屈中指取之滑氏云以今觀之屈中指無名指兩者之  
間取之為先心包絡脉所溜為榮火○素註鍼三分留  
六呼銅人灸三壯明堂鍼二分得氣即瀉只一度鍼過  
兩度令人虛禁灸灸令人息肉日加○主中風善悲笑

不休手痺熱病數日汗不出怵惕脇痛不可轉側大小  
便血衄血不止氣逆嘔噦煩渴食飲不下大小人口中  
腥臭口瘡胸脇支滿黃疸目黃小兒齕爛  
中衝○手中指端去爪甲角如韭葉陷中心包絡脉所出  
為井木心包絡虛補之○銅人鍼一分留三呼明堂灸  
一壯○主熱病煩悶汗不出掌中熱身如火心痛煩滿  
台強



手少陽三焦經



三焦

右尺命門之府

三焦者水穀之道路氣之所絡始也上焦者在心下下膈在胃上口主內而不出其治在膻中玉堂下一寸兩乳間陷者中是也中焦者在胃中脘不上不下主腐熟水穀其治在臍旁下焦者當膀胱上口主分別清濁主內而出以傳道其治在臍下一寸故名三焦

三焦者決瀆之官水道出焉

滑氏曰三焦相火也火能火熟水穀萬物焦從火火亦腐物之氣命名取義或有在於此歟三焦有名無形又曰三焦者於兩膜脂膏之內五藏五府之隙水穀流化之關其氣融會於其間薰蒸兩膜發達皮膚分肉運行四旁上中下各隨其所屬部分而名之實元氣之別使



也是故雖無其形倚內外之形而得名雖無其實合內外之實而為位者也

三因方云古人謂左為腎藏其府膀胱右為命門其府三焦三焦者有脂膜如手大正與膀胱相對有二白脉自中出夾脊而上貫於腦所以經云男子藏精女子繫胞以此推之三焦當如此說有形可見為是扁鵲乃云三焦有位無形而叔和輩失其旨意遽云無狀有名俾後學承謬不已且名以召實無實奚名果無其形尚何藏精繫胞為哉其所謂三焦者何也上焦在膻中內應心中焦在中脘內應脾下焦在臍下即腎間動氣分布人身上中下之異方人湛寂欲想不興則精氣散在三焦榮華百脉及其想念一起慾火熾然翕撮三焦精氣

流溢並於命門輸瀉而去故號此府為三焦耳世承叔和之弊而不悟可為長太息也初甚異其說及為齊從

事

以下醫說載之龍川志

有一舉子徐遁者守道之婿也少嘗

醫療病有精思曰齊嘗大飢群丐相鬻而食有一人皮肉盡而骨脉全者視其五藏見右腎之下有脂膜如手大者正與膀胱相對有二白脉自其中出夾脊而上貫腦意此則導引家所謂夾脊雙關者而不悟脂膜如手大者之為三焦也所見默合可以證古人之謬  
丹溪朱氏曰三焦以焦而下焦司肝腎之分皆陰而主乎下者也天非此火不能以生物亦非此火不能以有生

手少陽三焦經穴



手少陽之脉起於小指次指之端上出次指之間循手表腕出臂外兩骨之間上貫肘

臂骨盡處為腕臑盡處為肘手少陽起小指次指之端關冲穴上出次指之間歷液間中渚循手表腕之陽池出臂外兩骨之間循外關支溝會宗三陽四瀆乃上貫肘抵天井穴也

循臑外上肩交出足少陽之後入缺盆交膈中散絡心包下膈循屬三焦

有肘之間臑下對腋處為臑從天井上行循臂臑之外歷清冷淵消爍行太陽之裏陽明之外上有循臂臑會肩髃天髃交出足少陽之後過秉風肩井下入缺盆復由足陽明之外而交會於膈中散布絡繞於心包乃下

膈當胃上口以屬上焦於中腕以屬中焦於陰交以屬下焦也

其支者從膈中上出缺盆上項繫耳後直上出耳上角以屈下頰至頰

腦戶後為項目下為頰其支者從膈中而上出缺盆之外上項過大椎循天牖上耳後經翳風瘰脉顛息直上出耳上角至角孫過懸釐頰厭及過陽白睛明屈曲耳頰至頰會觀髃之分也

其支者從耳後入耳中至目銳眦

此支從耳後翳風穴入耳中過聽宮歷耳門禾髃却出至目銳眦會瞳子髃循絲竹空而交於足少陽也

○此經多血少氣○亥時氣血注此○受手厥陰之交



○凡二十三穴左右共四十六穴

關衝○手小指次指之端去爪甲角如韭葉手少陰三焦  
脉所出為井金○銅人鍼一分留三呼灸一壯素註三  
壯○主喉痺喉閉舌捲口乾頭痛霍亂胸中氣噎不嗜  
食臂肘痛不可舉目生翳膜視物不明

液門○手小指次指間陷中握拳取之手少陽三焦脉所  
溜為榮水○素問銅人鍼二分留三呼灸三壯○主驚  
悸妄言咽外腫寒厥手臂痛不能自上下痲癢寒熱目  
赤澁頭痛暴得耳聾耳齒齟痛

中渚○手小指次指本節後間陷中在腋門下一寸手少  
陽三焦脉所注為俞木○三焦虛補之○素註鍼二分  
留三呼銅人灸三壯鍼三分明堂灸二壯○主熱病汗

不出目眩頭痛耳聾目生翳膜久瘡咽腫肘臂痛手五  
指不得屈伸

陽池

一名別陽

手表腕上陷中從指本節直摸下至腕中心手

少陽三焦脉所過為原三焦虛實皆按之○素註鍼二  
分留六呼灸三壯銅人禁灸指微賦云鍼透抵大陵穴  
不可破皮不可搖手恐傷鍼轉曲○主消渴口乾煩悶  
寒熱瘡或因折傷手腕捉物不得肩臂痛不得舉

外關○腕後二寸兩筋間陽池上一寸手少陽絡別走心  
主○銅人鍼三分留七呼灸二壯明堂三壯○主耳聾  
渾渾焯焯各聞五指各痛不能握物○實則肘臂瀉之  
虛則不收補之

支溝

一名飛廉

腕後臂外三寸兩骨間陷中手少陽脉所行



為經火○銅人鍼三分灸二七壯明堂五壯素註鍼二分留七呼灸三壯○主熱病汗不出肩臂痠重脇腋痛四肢不舉霍亂嘔吐口噤不開暴瘡不能言心悶不已卒心痛鬼擊傷寒結胸癰瘡疥癬婦人妊脉不通產後血運不省人事

會宗○腕後三寸空中一寸○銅人灸七壯明堂五壯禁鍼○主五癰肌膚痛耳聾

三陽絡一名通門臂上大交脉支溝上一寸○銅人灸七壯明

堂五壯禁鍼○主暴瘡瘰耳聾嗜卧四肢不欲動搖○

四瀆○在肘前五寸外廉陷中○銅人灸三壯鍼六分留七呼○主暴氣耳聾耳下齒齲痛

天井○肘外大骨後肘上一寸輔骨上兩筋又骨罅中屈

肘拱胸取之甄權云曲肘後一寸叉手按膝頭取之兩筋骨罅中手少陽三焦脉所入為合土三焦實瀉之○素註鍼一寸留七呼銅人灸三壯明堂五壯鍼三分○主心胸痛咳嗽上氣短氣不得語唾膿不嗜食寒熱溼溼不得卧驚悸瘕瘕癩疾羊癰風痺耳聾噤腫喉痺汗出目銳皆痛頰腫痛耳後膈臂肘痛捉物不得嗜卧撲傷腰臑疼振寒頸項痛大風默默不知所痛悲傷不樂脚氣上攻

清冷淵○肘上二寸伸肘舉臂取之○銅人鍼三分灸三壯○主肩痺痛臂膈不能舉不能帶衣

消灤○肩下臂外間腋斜肘分下○銅人鍼一分灸三壯明堂鍼六分素註鍼五分○主風痺頸項強急腫痛寒



熱頭痛癩疾

膈會

膈交一名

肩前廉去肩頭三寸宛宛中手少陽陽維之會

○素註鍼五分灸五壯銅人鍼七分留三呼得氣即瀉

灸七壯○臂痛痠無力痛不能舉寒熱肩腫引胛中痛

項癭氣瘤

肩膠○肩端膈上陷中斜舉臂取之○銅人鍼七分灸三

壯明堂五壯○主臂痛肩重不能舉

天膠○肩缺盆中上脊骨際陷中央須缺盆陷處上有空

起肉上是穴手足少陽陽維之會○銅人鍼八分灸三

壯當缺盆陷上突起肉上鍼之若誤鍼陷處傷人五截

氣令人卒死○主胸中煩悶肩臂痠疼缺盆中痛汗不

出胸中煩滿項項急寒熱

天牖○頸大筋外缺盆上天容後天柱前完骨下髮際上

○銅人鍼一寸留七呼不宜補不宜灸灸即令人面腫

眼合先取諛謔後取天容天池即差若不鍼諛謔即難

療明堂鍼五分得氣即瀉瀉盡更留三呼瀉三吸不宜

補素註下經灸三壯資生云宜灸一壯三壯○主暴聾

氣目不明耳不聰夜夢顛到面青黃無顏色頭風面腫

項強不得回顧目中痛

翳風○耳後尖角陷中按之引耳中痛鍼經先以銅錢二

十文令患人咬之尋取穴中手足少陽之會○素註鍼

三分銅人鍼七分灸七壯明堂三壯刺灸俱令人咬錢

令口閉○主耳鳴耳聾口眼喎斜頰腫口噤不開

不能言口吃牙車急小兒喜欠



瘦脉

一名

耳本後鷄足青絡脉○銅人刺出血如豆汁不

宜多出鍼一分灸三壯○主頭風耳鳴小兒驚癇瘈瘲

嘔吐泄利無時驚恐聒聒目睛不明

顛息

○耳後間青絡脉中○銅人灸七壯禁鍼明堂灸三

壯鍼一分不得多出出血殺人○主耳鳴痛喘息

小兒嘔吐涎沫瘈瘲發癇胸脇相引身熱頭痛不得卧

角孫

○耳郭中間上髮際下開口有空手太陽手足少陽

之會○銅人灸三壯明堂鍼八分○主目生翳盧齒齲

腫唇吻強齒牙不能嚼物齲齒頭項強

耳門

○耳前起肉當耳缺者陷中○銅人鍼三分留三呼

灸三壯下經禁灸有病灸不過三壯○主耳鳴如蟬聲

聒耳濃汁出耳生瘡齲齒唇吻強

和膠○耳前銳髮下橫動脉手足少陽手太陽三脉之會

○銅人鍼七分灸三壯○主頭重痛牙車引急頸頰腫

耳中嘈嘈鼻涕面風寒鼻準上腫癰痛招搖視瞻瘈瘲

口辟

絲竹空

一名

眉後陷中手足少陽脉氣所發○素註鍼三

分留六呼銅人禁灸灸之不幸使人目小及盲鍼三分

留三呼宜瀉不宜補○主目眩頭痛目赤視物眩暈不

明惡風寒風癩目戴上不識人眼睫倒毛發狂吐涎沫

發即無時偏正頭疼







膽重三兩三銖長三寸在肝之短葉間盛精汁三合  
膽者中正之官喜樂出焉

膽為清淨之府

諸府皆傳穢濁獨膽無所傳道故曰清淨膽汁減則目  
昏又吐傷膽倒則視物倒植

膽為青腸

### 足少陽膽經穴

足少陽之脉起於目銳眥上抵角下耳後

足少陽經起目銳眥之瞳子膠於是循聽會客主人上  
抵頭角循頷厭下懸顛懸釐由懸釐外循耳上髮際至  
曲髻率谷由率谷外折下耳後循天衝浮白竅陰完骨  
又自完骨外折循本神過曲差下至陽白會精明復從

精明上行循臨泣目窓正營承營腦空風池云

此經頭部自瞳子膠至風池凡二十穴作三折向外  
而行始瞳子膠至完骨是一折又自完骨外折上至  
陽白會精明是一折又自精明上行循臨泣風池是  
一折緣其穴曲折外多難為科牽故此作一至二十  
次第該之一瞳子膠二聽會三客主人四頷厭五懸  
顛六懸釐七曲髻八率谷九天冲十浮白十一竅陰  
十二完骨十三本神十四陽白十五臨泣十六目窓  
十七正營十八承靈十九腦戶二十風池

循頸行手少陽之前至肩上却交出手少陽之後入缺盆  
自風池循頸過天牖穴行手少陽脉之前下至肩上循  
肩并却左右交出手少陽之後過大椎大杼秉風當秉



風前入缺盆之外

其支者從耳後入耳中走耳前至目銳眦後此一節即手三焦交經同其支者從耳後顛顛間過鬚風之分入耳中過聽宮出走耳前復自聽宮至目銳眦瞳子膠之分也

竅廣韻作力嘲切深空之貌即穴隙之謂也江西席橫家鍼灸書中諸竅字作膠豈竅膠聲相近而然今悉改定雖然所改有不盡者亦不必苦求之也此本註

其支者別目銳眦皆下大迎合于手少陽抵於頰下加頰車下頸合缺盆以下胸中貫膈絡脾屬膽

其支者別自目外瞳子膠而下大迎合于手少陽於頰當顴膠之分下臨頰車下頸循本經之前與前之入缺盆者相合下胸中天池之外貫膈即期門之所絡肝下至

日月之分屬於膽也

循脇裏出氣衝繞毛際橫入髀厭中

脇肱也腋下為脇曲骨之分為毛際毛際兩旁動脈中為氣衝捷骨之下為髀厭即髀樞也自屬膽處循脇內章門之裏出氣衝遠毛際遂橫入髀厭中之環跳也

其直者從缺盆下腋循胸過季脇下合髀厭中以下循髀陽出膝外廉

脇骨之下為季脇此直者從缺盆直下腋循胸歷淵液輒筋日月穴過季脇循京門帶脉五樞維道居膠入上膠中膠長強而下與前之入髀厭者相合乃下循髀外行太陽陽明之間歷中瀆陽關出膝外廉抵陽陵泉也下外輔骨之前直下抵絕骨之端下出外踝之前循足跗



上入小指次指之間

斷外為輔骨外踝以上為絕骨足面為跗自陽陵泉下外輔骨前歷陽交外丘光明直下抵絕骨之端循陽輔懸鐘而下出外踝之前至丘墟循足面之臨泣五會俠谿乃上入小指次指之間至竅陰而終也

其支者別跗上入大指之間循大指岐骨內出其端還貫入爪甲出二毛

足大指本節後為岐骨大指爪甲後為三毛其支者自足跗上臨泣穴別行入大指循岐骨內出大指端還貫入爪甲出三毛交於足厥陰也

○是經多氣少血○子時氣益注此○受手少陽之交○四十三穴左右共八十六穴○刺深四分留五呼

腫子膠

一名太陽  
一名前關

目外去眥五分手太陽手足少陽三脉

之會○素註灸三壯鍼三分○主目痒翳膜白青盲無見遠視眦赤痛淚出多眵眼內皆痒頭喉閉

聽會○耳微前陷中上關下一寸動脉宛宛中張口得之

○銅人鍼七分留三呼得氣即瀉不須補日灸五壯止三七十日後依前報灸明堂鍼三分灸三壯○主耳鳴

耳龍耳牙車曰脫相離三寸牙車急不得嚼物齒痛惡寒物齒痛惡寒狂走癩癧恍惚不樂中風口喎斜手足不隨

客主人

一名上關

耳前起骨上廉開口有空張口取之乃得手

足少陽陽明之會○銅人灸七壯禁鍼明堂鍼一分留之得氣即瀉日灸七壯至二百下經灸一壯素註刺三



分留七呼灸三壯素問禁深刺深則交脉破為內漏耳聾又久而不得效○主唇吻強上口眼偏邪青盲眵目眦眦惡風寒牙齒齩口噤嚼物鳴痛耳鳴耳龍耳癢癢沫出寒熱瘧引骨痛

頷厭○曲周下顛顛上廉手足少陽陽明之交會○銅人灸三壯鍼七分留七呼深刺令人耳聾○主偏頭痛頭風目眩驚癇手拳手腕痛耳鳴目無見目外眥急好噫頸痛歷節風汗出

懸顛○曲角下顛顛上廉手足少陽陽明三脉之會○銅人灸三壯鍼三分留三呼明堂鍼二分素註鍼七分留七呼刺深令人耳無所聞○主頭痛牙齒痛面膚赤腫熱病煩滿汗不出頭偏痛引目外眥赤身熱鼻洞濁下

不止傳為軌普瞑目

懸釐○曲角上顛顛下廉手足少陽陽明四脉之會○銅人鍼三分灸三壯素註鍼三分留七呼○主面皮赤腫頭偏痛煩心不欲食中焦客熱熱病汗不出目眦皆赤痛

曲髻一名曲髮○在耳上髮際曲隅陷中鼓頷有空足太陽少

陽之會○銅人鍼三分灸七壯明下灸三壯○主頷頰腫引牙車不得開急痛口噤不能言頸項不得顧腦兩角痛為巔風引目眦

率谷○耳上入髮際寸半陷者宛宛中嚼而取之足太陽少陽之會○銅人灸三壯鍼三分○主疾氣高痛腦兩角強痛頭重醉後酒風皮膚盧胃寒煩悶嘔吐

膚腫



天衝○耳後髮際二寸耳上如前三寸足太陽二脉之會  
○銅人灸七壯素註三壯鍼三分○主癩疾風瘰牙齦  
腫善驚恐頭痛

浮白○耳後入髮際一寸足太陽少陽之會○銅人鍼三  
分灸七壯明堂灸三壯鍼三分○主足不能行耳聾耳  
鳴齒痛胸滿不得息胸痛頸項癭癰腫不能言者辟不  
舉發寒熱喉痺欬逆痰沫耳鳴嘈嘈無所聞

竅陰一名枕骨完骨上枕骨下動搖有空足太陽手足少陽之  
會陳氏云髓會絕骨髓屬腎主骨於足少陽無所閱腦  
為髓海腦有枕骨穴則當會枕骨絕骨誤也髓病治此  
按竅陰正足少陽經不知陳氏何以云此豈素問云枕  
骨二穴者指督脉後頂腦戶而王註誤之歟○銅人灸

七壯甲乙灸五壯鍼四分素註鍼三分灸三壯○主四  
肢轉筋目痛頭項頷痛引耳嘈嘈耳鳴無所聞舌本出  
血骨勞癰疽發厲手足煩熱汗不出舌強脇痛欬逆喉  
痺口中惡苦之

完骨○耳後入髮際四分足太陽少陽之會○銅人鍼三  
分灸七壯素註留七呼灸三壯明堂鍼二分灸依年為  
壯○主足痿失履不收牙車急頰腫頭面腫頸項痛頭  
風耳後痛煩心小便赤黃喉痺齒齲口眼喎斜癩疾  
本神○曲差旁一寸五分直耳上入髮際四分陽維脉所  
止○銅人鍼三分灸七壯○主驚癇吐涎沫頸項強急  
痛自眩胸相引不得轉側癩疾嘔吐涎沫偏風  
陽白○眉上一寸直瞳子手足陽明少陽陽維五脉之會



○素註鍼三分銅人鍼二分灸三壯○主腫子癢痛目  
上視遠視眴眴昏夜無見目痛目眇背膝寒慄重衣不  
得温

臨泣○目上直入髮際五分陷中令患人正睛取穴足太  
陽少陽陽維之會○主目眩目生白翳目淚枕骨合顛  
痛惡寒鼻塞驚癇反視大風目外皆痛卒中風不識人  
目窓○臨泣後一寸足少陽陽維之會○銅人鍼三分灸  
五壯三度刺令人目大明○主目赤痛忽頭旋目眴眴  
遠視不明頭面浮腫頭痛寒熱汗不出惡寒

正營○目窓後一寸足少陽陽維之會○銅人灸五壯鍼  
三分○主目眩頭項偏痛牙齒痛唇吻急強齒齧痛  
承靈○正營後一寸五分足少陽陽維之會○主腦風頭

痛惡風寒軌衄鼻窒喘息不利

腦空

顛顛一名

承靈後一寸五分夾玉枕骨下陷中足少陽陽

維之會○素註鍼四分銅人鍼五分得氣即瀉灸三壯

○主勞疾羸瘦體熱頭項強不得回顧頭重痛不可忍  
目瞑心悸發即為癩風引目眇鼻痛○曹操患頭風發  
即心亂目眩華佗鍼腦空立愈

按三國志曹操患頭風久不愈後陳琳草檄操見之  
喜頓愈蓋喜則氣舒故頭風解也今醫家所載不同  
豈他愈後復發而然歟

風池○耳後顛顛後腦空下髮際陷中按之引於耳中手  
足少陽陽維之會○素註鍼四分甲乙鍼三分銅人鍼  
七分留三呼灸三壯甲乙鍼一寸二分患大風者先補



後瀉少可患者以經取之留五呼瀉七吸灸不及鍼日  
七壯至百壯○主洒淅寒熱傷寒溫病汗不出日眩若  
偏正頭痛瘖瘖頸項如拔痛不得回顧目淚出欠氣多  
鼻軌衄目內眦赤痛氣發耳塞目不明腰背俱疼腰  
偻引頸筋無力不收大風中風氣塞逆上不語昏危  
瘳氣○東垣曰少陽頭痛風寒傷上邪從外入令人振  
寒頭痛身痛惡寒治在風池風府○平安公患偏風甄  
權鍼風池肩髃曲池支溝五樞陽陵泉巨虛下廉即差  
○仲景曰太陽病初脹桂枝湯反煩不解者先刺風池  
風府却與桂枝湯則愈  
肩井一名○肩井一名陷中缺盆上大骨前一寸半以三指按  
取當中指下陷中手足少陽足陽明陽經之會 連入

五藏 ○甲乙灸五壯素註鍼五分若刺深令人悶倒  
如悶倒速於三里下氣補之須臾甦凡鍼肩井瀉補三  
里否則防後卒中之患明堂鍼四分先補後瀉不宜灸  
婦人墮胎微損手足弱者鍼肩井立差日灸七壯止二  
百壯素註三壯○主中風氣塞逆上不語腎虛腰痛九  
漏上氣短氣逆氣風勞百病撲傷腰髖疼頭項痛五勞  
七傷頸項不得回顧臂轉痛悶兩手不得向頭婦人產  
難隨胎後手足厥逆  
淵液一名腋一名下三寸宛宛中舉臂得之○銅人禁灸灸之  
令人生腫蝕馬瘍內潰者死明堂鍼三分○主寒熱馬  
瘍

輒筋一名神光一名○期門下五分陷第三肋端橫直蔽骨中



傍二寸五分上直兩乳側臥屈上足取之膽之募足太陽少陽之會○銅人灸五壯鍼五分素註七分○主太息善悲小腹熱欲走多唾言語不正四肢不收嘔吐宿汁吞酸

京門一名氣命一名氣府

○監骨下腰中季脇本夾脊腎之募○銅

人灸三壯鍼三分留七呼○主腸鳴小腸痛有背寒痠肩胛內廉痛腰痛不得俛仰久立

帶脉○季脇下一寸八分陷中足少陽帶脉二脉之會○

銅人鍼六分灸五壯明堂灸七壯○主腰腹縱溶溶如囊水之狀婦人小腹痛裏急後重瘕瘕月事不調赤白帶下

五樞○帶脉下三寸水道旁一寸半陷中足少陽帶脉二

經之會○銅人鍼一寸灸五壯明下三壯○主瘕瘕小腸膀胱腎餘小腹痛陰疝兩鼻丸上入腹婦人赤白帶下裏急瘕瘕

維道○章門下五寸三分足少陽帶脉二經之會○銅人鍼八分留六呼灸三壯○主嘔逆不止水腫三焦不調不嗜食

居髃○章門下八寸三分監骨上陷中素註章門下四寸三分足少陽維之會○銅人鍼八分留六呼灸三壯○主腰引小腹痛肩引胸臂攣急手臂不得舉以至肩環跳○髀樞中側卧伸下足屈上足以右手摸穴左搖撼取之足少陽太陽之會○銅人灸五十壯素註三壯鍼一寸留二呼灸三壯指微云已刺不可搖恐傷鍼○主



冷風濕痺不仁風癩遍身半不遂腰膝痛蹇膝不得身  
轉側伸縮○仁壽宮患脚氣偏風甄權奉勅鍼環跳陽  
陵泉陽輔巨虛下廉而能起行○環跳穴痛恐生附骨  
疽

中瀆○髀外膝上五寸分肉間陷中足少陽絡別走厥陰

○銅人灸五壯鍼五分留七呼○主寒氣客於分肉間  
攻痛上下筋痺不仁

陽關

一名陽陵

泉上三寸擗鼻外陷中○鍼人鍼五分禁

灸○主風痺不仁膝痛不可屈伸

陽陵泉○膝下一寸胘外廉陷中蹲坐取之膝脉所入為  
合土○難經曰筋會陽陵泉疏曰筋病治此○銅人鍼  
六分留十呼得氣即瀉又宜久留鍼灸七壯至七七壯

素註三壯明下一壯○主膝伸不得屈髀樞膝骨冷痺  
脚氣膝股內外廉不仁偏風半身不遂脚冷無血色苦  
嗑中介然頭面腫足筋攣

陽交

一名別陽  
一名足節

○足外踝上七寸斜屬二陽分肉之間陽

維之郄○銅人鍼六分留七呼灸三壯○主胸滿腫膝  
痛足不收寒厥驚狂喉痺面腫

外丘○外踝上七寸○銅人鍼三分灸三壯○主胸脹滿  
膚痛痠痺頸項痛惡風寒獼犬傷毒不出發寒熱癩疾  
小兒龜胸

光明○外踝上五寸足少陽之絡別走厥陰○銅人鍼六  
分留七呼灸五壯明下七壯○主淫灤脛痠胘疼不能  
久立熱病汗不出卒狂○虛則痿痺坐不能起補之實



則足筋熱膝痛身體不仁善噉頰瀉之

陽輔

一名分肉

○足外踝上四寸輔骨前絕骨端三分去丘墟

七寸足少陽膽脈所行為經火膽實瀉之○難經曰髓

會絕骨疏云髓病治此難經本義曰絕骨一名陽輔表

氏曰足能徒步以髓會絕骨也諸髓皆屬於腎故為髓

會素註鍼三分又曰鍼七分留十呼銅人灸三壯鍼五

分留七呼○主腰溶溶如坐水中膝下層腫筋攣百節

痠疼實無所知諸節盡痛痛無常處腋下腫痠喉痺馬

刀挾癭膝筋痠風痺不仁厥逆口苦太息心脇痛面塵

頭角頷痛目銳皆痛缺盆中腫痛汗出振寒瘡胸中

脇助髀膝外至絕骨外踝前痛善潔面青

懸鐘

一名絕骨

足外踝上三寸動脈中鍼灸經尋摸尖骨者乃

是絕骨兩分開足三陽之大絡按之陽明脈絕乃取之

前尋摸絕骨間尖如前離三分高一寸許是陽輔穴後

尋摸絕骨間尖筋骨縫中是懸鐘穴按之陽明脈止乃

取之足三陽之大絡○銅人鍼六分留七呼灸三壯指

微云斜入鍼二寸許灸七壯或三壯○主心腹脹滿胃

中熱不嗜食脚氣膝胫痛筋骨攣痛足不收逆氣虛勞

寒損憂恚心中欬逆泄注喉痺頸項強勝痔瘡血陰急

鼻衄腦疽大小便澁鼻中乾煩滿狂易中風手足不隨

丘墟○足外踝下如前陷中骨縱中去臨泣三寸又夾谿

穴中量上外踝骨前五寸足少陽脈所過為原膽虛實

皆按之○銅人灸三壯素註鍼五分留七呼○主胸脇

滿痛不得息久瘡振寒腋下腫痠厥坐不能起髀樞中



痛目生翳膜腿胫痠轉筋卒疝小腹堅寒熱頸腫腰膝  
疼善太息

臨泣○足小指次本節後間陷中去夾谿一寸五分足指  
少陽膽脉所注為命木○甲乙鍼二分留五呼灸三壯  
○主胸中滿缺盆中及腋下馬刀瘍痠善嚙頰天牖中  
腫淫灑斷痠目眩枕骨合顛痛洒淅振寒心痛周痺痛  
無常處厥逆氣喘不能行瘡癰目發婦人月事不利季  
脇支滿乳癰

地五會○足小指次指本節後陷中去夾谿一寸銅人鍼  
一分禁灸灸之令人羸瘦不出三年卒○主腋痛內損  
唾血足外無膏澤乳癰


夾谿○足小指次指岐骨間本節前陷中足少陽膽脉所  
溜為榮水膽實則瀉之○素註鍼三分留三呼灸三壯  
○主胸脇支滿寒熱傷寒熱病汗不出目外眦赤目眩  
頰頰腫耳聾耳胸中痛不可轉側痛無常處○東垣曰先  
師潔古病苦頭痛發時兩頰青黃眩暈目不欲開懶言  
身體沉重兀兀欲吐此厥陰太陰合病名曰風痰灸夾  
谿眼局方玉壺丸愈

竅陰○足小指次指之端去爪甲角如韭葉足少陽膽脉  
所出為井金○素註鍼一分留一呼甲乙留三呼灸三  
壯銅人灸三壯鍼二分○主脇痛欬逆不得息手足煩  
熱汗不出轉筋癰疽頭痛心煩喉痺舌強口乾肘不可  
舉卒聾不聞人詰魘夢耳痛小背痛○少陽根於竅陰  
結於窓籠窓籠者耳中也又曰少陽為樞樞折即骨繇



足厥陰


肝藏



而不安于地故骨絲者取之少陽視有餘不足骨絲者  
 節緩而不取也所謂絲者搖故也當窮其本也  
 今按病筋痿而腫掉者當取竅陰窓籠但窓籠未有  
 所考恐是太陽小腸聽宮是蓋手足太陽少陽三脉  
 之會否則聽會未可知俟當別考



足厥陰肝經



肝重四斤四兩左三葉右四葉共七葉附着於脊之第九  
 椎其治在左其藏左右在腎之前並胃

東方青色入通於肝開竅於目藏精於肝其病發驚駭其  
 味酸其類草木其畜雞其穀麥其應四時上為歲星是以  
 知春氣在頭也其音角其數八是以知病之在筋也其臭  
 臊其聲呼其液泣其色青

東方生風風生木木生酸酸生肝肝主筋筋生心肝主目  
 其在天為玄在人為道在地為化化生五味道生知玄生  
 神神在天為風在地為木在體為筋在藏為肝在色為蒼  
 在音為角在聲為呼在變動為握在竅為目在味為酸在  
 志為怒傷肝悲勝怒風傷筋燥勝風酸傷筋辛勝酸  
 肝者將軍之官決斷行焉



肝者罷極之本魂之居也其華在爪其充在筋以生血氣此為陽中之少陽通於春氣○肝之合筋也其榮在爪其主肺也

肝氣通於目目和則知黑白矣知當作見

肝氣虛則夢見菌香生草得其時則夢伏樹下不敢起三月

人卧則血歸於肝目受血而能視足受血而能步掌受血而能握指受血而能攝○肝色青欲如蒼璧之澤不欲如

藍已上俱素問

肝青象木木得水而浮肝得水而沉何也然肝者非為純木也乙角也大言陰與陽小言夫與婦釋其微陽而吸其微陰之氣其意樂金又行陰道多故今肝得水而沉妻從

夫也肝熱而反浮者乙當歸甲極而反也難經

肝有兩葉何也然肝者東方木也春也萬物始生其尚幼

小意無所親去太陰尚近冬離太陽不遠夏猶有兩葉亦

應木也難經

肝氣絕則筋縮引外與舌卷肝者筋之合也筋者聚於陰器而絡於舌本故脉不榮則筋縮急筋縮急則引外與舌故舌卷卵縮此筋先死庚日篤辛日死

### 足厥陰肝經穴

足厥陰之脉起於大指聚毛之際上循足跗上廉去內踝一寸足大指甲後為三毛三毛後橫紋為聚毛去相去也足厥陰起於大指聚毛之大敦穴循足跗上廉歷行間太衝抵內踝一寸之中封也



上踝八寸交出太陰之後上腠內廉

自中封上踝過三陰交歷蠡溝中都復上一寸交出太陰之後上腠內廉至膝關曲泉

循股入陰中環陰器抵小腹挾胃屬肝絡膽

髀內為股臍下為小腹由曲泉上行循股內之陰包五里陰廉遂當冲門府舍之分以陰毛中左右相交環遠陰器抵小腹而上會曲骨中極關元復循章門至期門之所挾胃屬肝下日月之分絡於膽也

上貫膈布脇肋循喉嚨之後上入頰頰連目系上出額與督脉會於巔

目內深處為系頰頰咽頰也自期門上貫膈行食竇之外大包之裏散布脇肋上雲門淵液之間人迎之外循

喉嚨之後上入頰頰行太迎地倉四白陽白之外連目系上出額行臨泣之裏與督脉相會於巔頂之百會也其支者從目系下頰裏環唇內

前此連目系上出額此支從目系下行任脉之外本經之裏下頰裏交環於唇口之內

其支者復從肝別貫膈上注肺

此經之支從期門屬肝處別貫膈行食竇之外本經之裏上注肺下行至中焦挾中脘之分以交於手太陰也○是經多血少氣○丑時氣血注此○受足少陽之交○凡一十三穴左右共二十六穴○刺深一分留二呼大敦○足大指端去爪甲如韭葉及三毛中一云內側為隱白外側為大敦足厥陰肝脉所出為井水○銅人鍼



三分留十呼灸三壯○主五淋卒疝七疝小便數遺不禁陰頭中痛汗出陰上入小腹陰偏大腹臍中痛悒悒不樂病左取石病右取左腹脹腫病小腹痛中熱喜寐尸厥狀如死人婦人血崩不止陰挺出陰中痛

行間○足大指縫間動脈應手陷中足厥陰肝脈所流為榮火肝實則瀉之○素註鍼三分銅人灸三壯鍼六分留十呼○主嘔逆洩遺瀉癰閉消渴嗜飲善怒四肢滿轉筋胸脇痛小腹腫欬逆嘔血莖中痛腰疼不可俛仰腹中脹小腸氣肝心痛色蒼蒼如死扶終日不得息癩疾短氣便溺難七疝寒疝中風肝積肥氣發瘕瘰婦人小腹腫面塵脫色經血過多不止崩中兒急驚風小○東垣曰前陰臊臭前陰者足厥陰脈絡循陰器出挺

末凡臭心之所主入肝為臊於肝經瀉行間是治本後於心經瀉少衝是治標

按難經謂肝臭臊心臭焦脾臭香肺臭腥腎臭腐五藏各有臭而皆心主之故瀉行間為治本次瀉少衝是治標試効方序中治腋臭亦同此法蓋腋下是極泉穴心脈所發腋臭亦屬臊故治法與前陰臊臭不殊藥用柴胡草龍膽車前子黃連以瀉心肝二經也大衝○足大指本節後二寸或云一寸半內間動脈應手陷中足厥陰肝脈所注為俞土○素問女子二七太衝脈盛月事以時下故能有子又診病人太衝脈有無可以訣死生○銅人鍼三分留十呼灸三壯○主心痛脈弦馬黃瘟疫看腫吻傷虛勞浮腫腰引小腹痛兩丸審



縮溇泄遺溺陰痛面目蒼色胸脇支滿足寒肝心痛蒼然如死狀終日不休息大便難便血小便淋小腸疝氣痛癢疝小便不利嘔血嘔逆發寒噤乾善渴肘腫內踝前痛淫灤斷廢腋下馬刀瘍痿唇腫女子滿下不止小兒卒疝

中封

一名懸泉

○足內踝骨前一寸筋裏宛宛中素註一寸半

仰足取陷中伸足乃得之足厥陰肝脉所行為經金○銅人鍼四分留七呼灸三壯○主瘡瘡色蒼蒼蒼振寒小腹腫痛食快快繞臍痛五淋不得小便足厥冷身黃有微熱不嗜食身體不仁寒疝腰中痛或身微熱痿厥失精筋牽陰縮入腹相引痛

蠡溝

一名交儀

○內踝上五寸足厥陰絡別走少陽○銅人鍼

二分留三呼灸三壯下經灸七壯○主疝痛小腹脹滿暴痛如癢閉數噫恐悸少氣不足悒悒不樂咽中悶如有息肉背拘急不可俛仰小便不利臍下積氣如石足脛寒痠屈伸難女子赤白淫下月水不調○氣逆則鼻丸卒痛實則挺長瀉之虛則暴瘥補之

中都

一名中却

○內踝上七寸骭骨中與少陰相直○銅人鍼

三分灸五壯○主腸澼癢疝小腹痛不能行立脛寒婦人崩中產後惡露不絕

膝關○擗鼻下二寸傍陷中銅人鍼四分灸五壯○主風痺膝內廉痛引臏不可屈伸咽喉中痛

曲泉○膝股上內側輔骨下大筋上小筋下陷中屈膝橫文頭取之足厥陰肝脉所入為合水肝虛則補之○銅



入鍼六分留十呼灸三炷○主癰疽陰股痛小便難腹  
脇支滿癰閉少氣洩利四肢不舉實則身目眩痛汗不  
出目眦眦膝關痛筋牽不可屈伸發狂衄血下血喘呼  
小腹痛引咽喉房勞失精身體極痛洩水下痢膿血陰  
腫陰莖痛斷腫膝脛冷疼女子血瘀按之如湯浸股內  
小腹腫陰挺出陰瘻

陰包○膝上四寸股內廉兩筋間蹠足取之看膝內側必  
有槽中○銅人鍼六分灸三炷下經七分○主腰尻引  
小腹痛小便難遺溺婦人月水不調

五里○氣衝下三寸陰股中動脈應手○銅人鍼六分灸  
五炷○主腸中滿熱閉不得溺風勞嗜卧

陰廉○羊矢下去氣衝二寸動脈中○銅人鍼八分留七

呼灸三炷主婦人絕產若未經生產者灸三炷即有子

章門

一名長平一名脇膠

大橫外直季脇肋端臑臑上二寸兩旁九

寸側卧屈上足伸下足舉臂取之又云肘尖盡處是穴

脾之募足少陽厥陰之會○難經藏會章門疏曰藏病

治此○銅人鍼六分灸百炷明堂月七炷止五百炷素

註鍼八分留六呼灸三炷○主腸鳴盈盈然食不化脇

痛不得卧煩熱口乾不嗜食胸脇痛支滿喘息心痛而

嘔吐逆飲食却出腰痛不得轉側腰脊冷疼溺多白濁

傷飽身黃瘦黃脈積聚腹腫如鼓脊強四支懈惰善恐

少氣厥逆肩臂不舉○東垣曰氣在於腸胃者取之大

陰陽明不下取三里章門中脘○魏七珪妻徐病必自

臑下上至於心皆脹滿嘔吐煩悶不進飲食滑伯仁曰



此寒在下焦為炎章門氣海

期門○直乳二肋端不容傍一寸五分又曰乳直下一寸  
半肝之募足厥陰太陰之會○銅人四分灸五壯○鍼  
主胸中煩熱責脉上下目青而嘔霍亂洩利腹堅硬大  
喘不得安卧脇下積氣傷寒心切痛喜嘔酸食飲不下  
食後吐水胸脇痛支滿男子婦人血結胸滿面赤大燥  
口乾消渴胸中痛不可忍傷寒過經不解熱入血室男  
子則由陽明而傷下血譫語婦人月水適來邪乘虛而  
入及產後餘疾○仲景曰傷寒腹滿譫語寸脉微而緊  
此肝乘脾也名曰縱刺期門傷寒發熱嗇嗇惡寒大渴  
欲水其腹必滿自汗出小便利其病欲解肝乘肺也名  
曰橫刺期門又曰太陽與少陽併病頭項強痛或眩胃

時如結胸心下否鞭者當刺大椎第一間肺俞肝俞慎  
不可發汗發汗則譫語五六日譫語不止當刺期門又  
曰婦人中風發熱惡寒經水適來得之七八日熱除而  
脉遲身涼胸脇下滿如結胸狀譫語者此為熱入血室  
當刺期門又曰陽明病下血譫語者為熱入血室但頭  
汗出者刺期門○王叔和曰少陰脉不至腎氣微少精  
血奔氣促迫上入胸膈宗氣反聚血結心下陽氣退下  
熱歸陰股與陰相動令身不仁此為尸厥當刺期門巨  
關○一婦人患熱入血室醫者不識許學士曰小柴胡  
已遲當刺期門予不能鍼請善鍼者鍼之如言而愈  
按傷寒發熱嗇嗇惡寒大渴飲食腹滿至於自汗出  
則表已解小便利則裏自和故仲景曰其病欲解當



督脉經穴圖



俟其自愈且肝乘肺為侮所不勝故曰橫今詳文義  
 刺期門三字疑衍故丹溪謂羅成之曰仲景書非全  
 書其間或文有不備或意有未盡吾每思之不能以  
 無疑此之謂歟



督脉經穴

督脉者起於下極之腧

下極之腧兩陰之間屏翳處兩筋間為篡篡內深處為下極督脉之所始也

並於脊裏上至風府入腦上巔循額至鼻柱屬陽脉之海也

脊之為骨凡二十椎通項骨三椎共二十四椎自屏翳而起歷長強穴並脊裏而上行循腰腧陽關命門懸樞脊中筋縮至陽陵臺神道身柱過風門循陶道大椎痲門至風府入腦循腦戶強間後頂上巔至百會前項顛會上星神庭循額至鼻柱經素膠水溝兌端至鬣交而終焉云陽脉之海者以人之脉絡周流於諸陽之分譬

猶水也而督脉則為之都綱故曰陽脉之海

○行背中一行○凡二十七穴

長強

一名氣之陰 脊一骨

脊骶骨端計三分伏地取之乃得足少

陰少陽結會督脉別走任脉○銅人鍼三分轉鍼以大

痛為度灸不及鍼日灸三十壯止二百壯此痔根本甲

乙鍼二分留七呼明堂灸五壯○主腸風下血久痔瘻

腰脊痛狂病大小便難頭重洞泄五淋疝餅下部惡小

兒顛陷驚癇瘰癧嘔血驚恐失精瞻視不正○實則脊

強瀉之虛則頭腫補之

腰腧

一名脊解一名龍孔 一名腰柱一名腰戶

○二十一椎節下間宛宛中以

挺身伏地舒身兩手相重支額縱回體後乃取其穴○

銅人鍼八分留三呼瀉五吸灸七壯至七七壯甲乙鍼



二分留七呼灸七壯忌房勞舉重強力明堂灸三壯下  
經灸五壯素註鍼一分又云二寸○主腰髀腰脊痛不  
得俛仰溫瘧汗不出足清不仁傷寒四肢熱不已婦人  
月水閉溺赤○宋徐秋夫聞鬼斛斯泣腰痛縛草作人  
令係之鍼腰俞肩井明日一人謝云蒙君救濟忽不見  
梅秋夫療鬼事涉怪誕然左氏記彭生子產立伯有理  
或有姑錄以博聞見

陽關○十六椎節下間坐取之○銅人鍼五分灸三壯○  
主膝外不可屈伸風痺不仁筋攣不行

命門一名  
屬累○十四椎節下間伏取之○銅人鍼五分灸三  
壯○主頭痛如破身熱如火汗不出寒熱痰瘧腰腹相  
引骨蒸五藏熱小兒發癩張口搖頭身反折角弓

懸樞○十三椎下伏取之○銅人鍼三分灸三壯○主腰

脊強不得屈伸積氣上下行水穀不化下痢腹中留疾

脊中一名神宗  
一名脊俞○十一椎節下間俛取之○銅人鍼五分

得氣即瀉禁灸灸之令人腰偻○主風癩癩邪黃疸

腹滿不嗜食五痔便血溫病積聚下利小兒脫肛○素

問刺中髓為偻行鍼宜慎之

筋縮○九椎節下間俛取之○銅人鍼五分灸三壯明下

灸七壯○主癩疾狂走脊急強月轉反戴上視目瞪癩

病多言心痛

至陽○七椎節下間俛取之○銅人鍼五分灸三壯明下

灸七壯○主腰脊痛胃中寒氣不能食胸脇支滿身羸

瘦皆中氣上下行腹中鳴寒熱解仰淫灑脛痠四肢重



痛少氣難言卒症忤攻心胸

靈臺○六椎節下間俛取之○銅人缺治病見素問

按靈臺一穴諸書缺主治資生經集銅人千金外臺  
明堂亦無攷惟曰見素問攷之素問經文無所載王  
冰注中惟言穿穴所在而已至治亦未之見竊意諸  
書豈因靈道靈墟名治相混而泯沒歟先儒謂心曰  
靈臺經謂心者君主之官神明出焉豈主病同乎少  
陰神門而鍼刺淺深艾壯多寡同至陽神道歟或曰  
手少陰神門主心矣於督脉何與而六椎節下又屬  
之心心之所出何多邪曰督為陽脉之都綱猶五藏  
既有命在背而督又處太陽之中故太陽有腎命而  
督有命門靈臺為心無疑如紫薇垣有天皇大帝矣

心中星又為帝星太微垣又有帝座天市垣又有帝  
星蓋心為一身之主如帝王警蹕所至曰行在所也

曰論語示闕文春秋存夏五子何偕妄若此曰安國  
以郭公為隸公晦庵補格致於大學將以明經也

神道○五椎節下間俛取之○銅人灸七七壯止百壯明  
下灸三壯鍼五分千金灸五壯○主傷寒發熱頭痛進  
退往來痰瘡恍惚悲愁健忘驚悸失欠牙車蹉張口不  
合小兒風癩

身柱○三椎節骨下闕俛取之○銅人鍼五分灸七七壯  
止百壯明堂灸五壯下經三壯○主腰脊痛癩病狂走  
癩癧怒欲殺人身熱妄言見鬼小兒驚癩○難知云治  
洪長伏三脉風癩驚癩發狂惡人與火灸三椎九椎



陶道○大椎下間僥取之足太陽督脉之會○銅人灸五  
壯鍼五分○主痰瘧寒熱洒淅脊強煩滿汗不出頭重  
目眩瘵癡恍惚不樂

大椎○一椎上陷者宛宛中手足三陽督脉之會○銅人  
鍼五分留三呼瀉五吸灸以十年為壯○主肺脹脇滿  
嘔吐上氣五勞七傷乏力温瘧瘵瘵氣注背膊拘急頸  
項強不得回顧風勞食氣骨熱前板齒燥○仲景曰太  
陽與少陽併病頸項強痛或眩冒時如結胸心下否鞭  
者當刺大椎第一間

瘵門一名古厭一名瘵○在項風府後一寸入髮際五分項  
中央宛宛中仰頭取之督脉陽維之會入繫舌本素註  
鍼四分銅人鍼三分可繞鍼八分留三呼瀉五吸瀉盡

更留鍼取之禁火灸之令人瘵○主古急不語重舌諸  
陽熱氣盛衄血不止寒熱風瘵脊強反折瘵癡癩疾頭  
重風浮不出

風府

一名古本

○項後入髮際一寸大筋内宛宛中疾言其肉

立起言休立下足太陽督脉陽維之會○銅人鍼三分  
禁灸灸之使人失音明堂鍼四分留三呼素註鍼四分  
○主中風舌緩不語振寒汗出身重惡寒頭痛項急不  
得回顧偏風半身不遂鼻衄咽嗑腫痛傷寒狂走欲自  
殺目妄視頭中百病馬黃黃疸○仲景曰太陽病初服  
桂枝湯反煩不解先刺風池風府○岐伯曰巨陽者諸  
陽之屬也其脉連府故為諸陽主氣○資生云風府者  
傷寒所自起北人以毛皮裹之今之護風領南人怯弱者亦



以帛護其領今護領乃云蔽垢臆實存名亡矣○瘡論  
曰邪客於風府循膂而下衛氣一日夜大會於風府明  
日日下一節故其作晏每至於風府則腠理開腠理開  
則邪氣入邪氣入則病作以此日作稍益晏也其出於  
風府日下一節二十五日下至骹骨二十六日入於脊  
內故日作益晏也○東垣曰少陽頭痛治在風池風府  
按風府禁灸矣項疽發於腦之下項之上此正風府  
穴分也東垣先用火攻之策以大炷艾如兩核許者  
攻之至百壯豈瘡家與諸病異治歟

腦戶合鬲○枕骨上強間後一寸半足太陽督脉之會○  
銅人禁灸灸之令人瘖或灸七壯妄灸令人瘖明堂鍼  
三分素註鍼四分素問刺腦戶入腦立死○主昏赤目

### 黃面痛頭重腫痛癭瘰

按腦戶一穴資生明堂素問所論深鍼妄灸醫家當  
知所戒矣

強間

一名大羽

○後項後一寸半○銅人鍼二分灸七壯明堂

灸五壯○主頭痛目眩腦旋煩心嘔吐涎沫項強狂走  
不卧

後項

一名交衝

○百會後一寸半枕骨上○銅人灸五壯鍼二

分明堂鍼四分素註三分○主頭項強急惡風寒風眩  
目眦眦額顙上痛歷節汗出狂走癲疾不卧癩發癭癧  
頭偏痛

百會

一名三陽五會一名巔上一名天滿

○前項後一寸五分項中央旋毛

中可容豆直兩耳尖性理北溪陳氏曰畧退此子猶天



之極星居北午足三陽督脉之會○素註鍼二分銅人  
灸七壯止七七壯凡灸頭頂不得過七壯緣頭頂皮薄  
灸不宜多鍼二分得氣即瀉又素註刺四分○主頭風  
中風言語蹇澁口噤不開偏風半身不遂心煩悶驚悸  
健忘前失後心神恍惚無心效痰癰脫肛風癰青風  
心風角弓反張羊鳴多哭語言不擇發時即死吐沫汗  
出而嘔飲酒面赤腦重鼻塞頭痛目眩食無味百病皆  
治○魏太子尸厥扁鵲取三陽五會有問太子甦○唐  
高宗頭痛秦鳴鶴曰宜刺百會出血武后曰豈有至尊  
頭上出血之理已而刺之微出血立愈

前頂○顛會後一寸半骨間陷中○銅人鍼一分灸三壯  
止七七壯素註刺四分○主頭風目眩面赤腫木腫小

兒驚癇瘈瘲腫腫

顛會○上星後一寸陷中○銅人灸二七壯至七七壯初  
灸不痛病去即痛痛止灸鍼二分留三呼得氣即瀉八  
歲已下不得鍼緣顛門未合刺之恐傷其骨令人大素  
註鍼四分○主腦虛冷或飲食酒過多腦疼如破衄血  
面赤暴腫頭皮腫生白屑風頭眩顛青目眩鼻塞不聞  
昏臭驚悸目戴上不識人

上星一名神堂○神庭後入髮際一寸陷中容豆○素問鍼三  
分留六呼灸五壯銅人鍼四分以細三稜鍼宣泄諸陽  
熱氣無令上衝頭目○主面赤腫頭風頭腫皮腫面虛  
鼻中息肉鼻塞頭痛痰瘡振寒熱汗不出目眩目睛痛  
不能遠視口鼻出血不止



神庭○直鼻上入髮際五分足太陽督脉之會○素註三  
壯銅人灸二七壯止七七壯禁鍼鍼發發狂目失睛○  
主登高而歌棄衣而走角弓反張吐舌癩疾風癩戴目  
上視不識人頭風目眩鼻出清涕不止目淚出驚悸不  
得安寢嘔吐煩滿寒熱頭痛喘急○張子和曰目痛目  
腫醫瞳賦神庭上星顯會前頂醫者可使立退腫者可  
使立消

素膠面正名○鼻柱上端准頭○外臺不宜灸鍼一分素註  
三分○主鼻中息肉不消多涕生瘡鼻窒喘息不利鼻  
啞噤鼻衄

水溝<sub>中名</sub>○鼻柱下人中近鼻孔陷中督脉手足陽明之  
會○素註鍼三分留六呼灸三壯銅人鍼四分留五呼

得氣即瀉灸不及鍼日灸三壯明堂日灸三壯至二百  
壯下經灸五壯○主消渴飲水無度水氣遍身腫失笑  
無時癩癩語不識尊卑乍哭乍喜中風口禁牙關不開  
面腫唇動狀如虫行卒中惡鬼擊喘渴目不可視黃疸  
馬黃瘟疫通身黃口啞噤


兌端○唇上端○銅人鍼二分灸三壯○主癩疾吐沫小  
便黃舌乾消渴衄血不止唇吻強齒齲痛鼻塞痰涎口  
噤鼓頷

斷交○唇內齒上斷縫中任督足陽明之會○銅人鍼三  
分灸三壯○主鼻中息肉蝕瘡鼻塞不利額顙中痛頸  
項強目淚眇汁內眦赤痒痛生白翳面赤心煩馬黃黃  
疸寒暑温疫○二十九難曰督之為病脊強而厥又曰



任脉

奇經任脉穴圖



其受邪氣畜則腫熱砭射之也



任脉經穴

任脉者起於中極之下以上毛際循腹裏上關元至喉嚨屬陰脉之海也

任之為言妊也行腹部中行為婦人生養之本奇經之一脉也任與督同源而二岐督則由會陰而行皆任則由會陰而行腹夫人身之有任督猶天地之有子午也人身之任督以腹背言天地之子午以南北言可以分可以合者也分之以見陰陽之不雜合之以見渾淪之無間一而二二而一者也任脉起於中極之下會陰之分也由是循曲骨上毛際至中極行腹裏上循關元石門氣海陰交神闕水分下腕建里中腕上腕巨闕鳩尾中庭臙中玉堂紫宮華蓋璇璣天突廉泉上頤循承漿

環唇上至斷交分係兩日下之中央會承泣而終也云陰脉之海者亦以人之脉絡周流於諸陰之分譬猶水也而任脉則為之總會焉故曰陰脉之海

○行腹中一行凡二十四穴

會陰

一名屏翳

○兩陰間任督衝三脉所起督由會陰而行皆

任由會陰而行腹衝由氣衝行足少陰○銅人灸三壯指微禁鍼○主陰汗陰頭疼陰中諸病前後相引不得大小便陰端寒衝心竅中熱皮疼痛穀道搔癢久痔相通女子經水不通陰門腫痛○卒死者鍼一寸補之溺死者令人倒臥出水鍼補尿屎出則活餘不可鍼

曲骨○橫骨上中極下一寸毛際陷中動脉應手足厥陰

任脉之會○銅人灸七壯至七七壯鍼二寸素註鍼六



分留七呼又云鍼一寸○主失精五藏虛弱虛之冷極  
小腹脹滿小便淋瀝不通癩疝小腹痛婦人赤白帶下  
中極一名玉泉一名氣原○關元下一寸臍下四寸膀胱之募足三  
陰任脉之會○銅人鍼八分留十呼得氣即瀉灸百壯  
明堂灸不及鍼日三七壯下經灸五壯○主冷氣積聚  
時上衝心腹中熱臍下結塊賁脉搶心陰汗水腫陽氣  
虛憊小便頻數失精絕子疝瘕婦人產後惡露不行胎  
衣不下月事不調血結成塊子門腫痛不端小腹苦寒  
陰癢而點陰痛恍惚尸厥飢不能食臨經行房羸瘦寒  
熱轉脬不得尿婦人斷緒四度鍼即有子  
關元○臍下三寸小腸之募是三陰任脉之會下紀者關  
元也○素註刺一寸二分留七呼灸七壯又云鍼二寸

銅人鍼八分留三呼瀉五吸灸百壯止三百壯明堂  
婦禁鍼若鍼而落胎胎多不出鍼外崑崙立出○主積  
冷虛之臍下絞痛流入陰中發作無時冷氣結塊痛寒  
氣入腹痛失精白濁溺血暴疝風眩頭痛轉胞閉塞小  
便不通黃赤勞熱石淋五淋洩利奔脉搶心婦人帶下  
月經不通絕嗣不生胞門閉塞胎漏下血產後惡露不  
止

石門一名利機一名精露一名丹田一名命門○臍下二寸三焦募也○銅人  
灸二七壯止二百壯甲乙鍼八分留三呼得氣即瀉千  
金鍼五分下經灸七壯素註刺六分留七呼婦人禁鍼  
禁灸祀之終身絕子○主傷寒小便不利泄利不禁小腹  
痛陰囊入小腹賁脉搶心腹痛堅硬卒疝繞臍氣淋血



淋小便黃嘔吐血不食穀穀不化水腫水氣行皮膚小  
腹皮敦敦然氣滿婦人因產惡露不止結成塊崩中漏

卞

氣海一名時狀○臍下一寸半宛中男子生氣之海○宛

銅人鍼八分得氣即瀉瀉後宜補之明下灸七壯○主

傷寒飲水過多腹腫脹氣喘心下痛冷病面赤臍虛氣  
憊真氣不足一切氣疾久不差肌體羸瘦四支力弱黃  
脈七疝小腸膀胱腎餘癥瘕結塊狀如覆杯腹暴脹按  
之不下臍下冷氣痛中惡脫陽欲死大便不通小便赤  
卒心痛婦人臨經行房羸瘦崩中赤白帶下月事不調  
產後惡露不止繞臍疝痛閃着腰疼小兒遺尿○涌江  
鄭義宗患滯下昏仆目上視渡注汗泄脈大此陰虛陽

暴絕得之病後酒色丹溪為灸氣海漸甦服人參膏數  
斤愈

陰交

一名橫戶

○臍下一寸當膀胱上口三焦之募任脈少陰

衝脈之會○銅人鍼八分得氣即瀉瀉後宜補灸百壯

明堂灸不及鍼日三七壯止百壯○主氣痛如刀攢腹

填堅痛下引陰中不得小便兩丸騫疝痛陰汗濕癢腰

膝拘攣臍下熱鬼擊鼻出血婦人血崩月事不絕帶下

產後惡露不止繞臍冷痛絕子陰痒貢脈上腹小兒陷

顛

神闕

一名氣舍

○當臍中○素註禁鍼鍼之使人臍中惡瘍潰

失出者死不治灸三壯銅人灸百壯○主中風不甦久

冷傷敗臍府洩利不止水腫鼓脹腸鳴腹痛繞臍小兒



奶利不絕脫肛風癰角弓反張○徐平仲中風不甦挑源薄為灸臍中百壯始甦不起再灸百壯

水分○下脘下一寸臍上一寸穴當小腸下口至是而泌別清濁水液入膀胱渣滓入大腸故曰水分○素註鍼一寸銅人鍼八分留三呼瀉五汲水病灸大良又云禁鍼鍼之水盡即死明堂水病灸七七壯止四百壯鍼五分留三呼資生云不鍼為是○主水病腹堅腫如鼓轉筋不嗜食腸胃虛脹繞臍痛冲心腰脊急強腸鳴狀如雷聲上冲心鬼擊鼻出血小兒陷顛

下脘○建里下寸臍上二寸穴當胃下口小腸上口水穀於是入焉足太陰任脉之會○銅人鍼八分留三呼瀉五吸灸二七壯止二百壯○主臍下厥氣動腹堅硬

胃脹羸瘦腹痛六府氣寒穀不轉化不嗜食小便赤癢塊連臍上厥氣動日漸瘦脉厥動飜胃

建里○中脘下一寸臍上三寸○銅人鍼五分留十呼灸五壯明堂鍼一寸二分○主腹脹身腫心痛上氣腸中疼嘔逆不嗜食

中脘

一名太倉

○上脘下一寸臍上四寸居心蔽骨與臍之中

胃之募手太陽少陽足陽明任脉之會上紀者中脘也胃之募也○難經曰臍會中脘病治此○銅人鍼八分留七呼瀉五吸疾出鍼灸二七壯止二百壯明堂日灸七七壯止四百壯素註鍼一寸二分灸七壯○主五膈喘息不止腹暴脹中惡脾疼飲食不進飜胃赤白痢寒瘵氣心疝伏梁心下如覆杯心膨脹面色痿黃天行傷



寒熱不已溫瘧先腹痛先瀉霍亂洩出不知食飲不化  
心痛身寒不可俛仰氣發噎●東垣曰氣在於腸胃者  
取之足太陰陽明不下取三里章門中脘又曰胃虛而  
致太陰無所稟者於足陽明募穴中道引之  
上脘一名胃脘●巨闕下一寸當一寸五分去蔽骨三寸臍上  
五寸上脘中脘屬胃絡脾足陽明手太陽任脉之會●  
素註銅人鍼八分先補後瀉風癰熱病先瀉後補立愈  
日灸二七壯至百壯未愈倍之明下三壯●主腹中雷  
鳴相逐食不化腹疔刺痛霍亂吐利腹痛身熱汗不出  
翻胃嘔吐食不下腹脹氣滿心忪驚悸時嘔血痰多吐  
涎奔脉伏梁三虫卒心痛風癰熱病馬黃黃疸積聚堅  
大如盤虛勞吐血五毒瘞不能食

巨闕○鳩尾下一寸心之募○銅人鍼六分留七呼得氣  
即瀉灸七壯止七七壯○主上氣欬逆胸滿短氣拊痛  
胸痛痞塞數種心痛冷痛蛔虫痛蠱毒抽鬼胸中痰飲  
先心痛先吐霍亂不識人驚悸腹脹暴痛恍惚不止吐  
逆不食傷寒煩心喜嘔發狂少氣腹痛黃疸急瘧急疫  
咳嗽孤疝小腹脹噫煩熱蒿中不利五藏氣相干卒心  
痛尸厥○妊娠子上衝心昏闕刺巨闕下鍼令人立甦  
不悶次補合谷瀉三陰交胎應鍼而落如子午揅心生  
下午有鍼痕頂母心向前人中有鍼痕向後枕骨有鍼  
痕是驗

按十四經發揮云凡人心下有膈膜前齊鳩尾後齊  
十一椎周圍著脊所以遮隔濁氣不使上薰心肺是



心在膈上也難產之婦若子上衝至膈則止鼠之在  
腹指未能執物尚堅握而不伸者又有胞衣裹之豈  
能破而搥心哉心為一身之主神明出焉不容小有  
所犯豈有被衝掬而不死哉蓋以其上衝近心故云  
爾如胃脘痛曰心痛之類是也學者不可以辭害意  
鳩尾一名尾翳○蔽骨之端在臆前蔽骨下五分人無蔽  
骨者從岐骨際下行一寸曰鳩尾者言其骨垂下如鳩  
尾形脉之別○銅人禁灸灸之令人永世少心力大妙  
手方可鍼不然鍼取氣多令人大鍼三分留三呼瀉五  
吸肥人倍之明堂灸三壯素註不可刺灸○主息賁熱  
病偏頭痛引目外皆噫喘喉鳴胸滿欬嘔喉痺咽腫水  
漿不下癩癩狂走不擇言語心中氣悶不喜聞人語效

唾血心驚悸精神耗散少年房多短少氣○又靈樞經  
云膏之原出於鳩尾  
中庭○臆中下一寸六分陷中○銅人灸五壯鍼三分明  
堂灸三壯○主胸脇支滿噎塞食飲不下嘔吐食出小  
兒吐奶

臆中一名元見○玉堂下一寸六分橫 兩乳間陷中仰卧取  
之○主 氣以分布陰陽故為陰便之官難經曰氣會

三焦陳氏曰三焦當作上焦一筋直兩乳間疏曰氣病治此○銅  
人禁鍼鍼之令人大明堂灸七壯止七七壯氣府論註

鍼三分灸五壯○銅人禁鍼鍼之令人大明堂灸七壯  
止七七壯氣府論註鍼三分灸五壯○主上氣短氣欬  
逆噎氣高氣喉喘嗽不下食胸中如塞心膈痛風痛



咳嗽肺癰唾膿嘔吐涎沫婦人乳汁少

玉堂

一名玉英

○紫宮下一寸六分陷中○銅人灸五壯鍼三

分○主胸膈疼痛心煩欬逆上氣胸滿不得息喘急嘔

吐寒痰

紫宮○華蓋下一寸六分陷中仰而取之○銅人灸五壯

鍼三分明下七壯○主胸脇支滿胸膈骨痛飲食不

下嘔逆上氣煩心欬逆吐血唾如白膠

華蓋○璇璣下一寸陷中仰而取之○銅人鍼三分灸五

壯明下灸三壯○主喘急上氣欬逆哮喘喉痺咽腫水

漿不下胸皮痛

璇璣○天突下一寸陷中仰頭取之○銅人灸五壯鍼三

分○主胸脇支滿痛欬逆上氣喉鳴喘不能言喉痺咽

癰水漿不可胃中有積

天突

一名天瞿

在頸結喉下四寸宛宛中陰維任脉之會○銅

人鍼五分留三呼得氣即瀉灸亦得不及鍼若下鍼當

直下不得低手即五藏之氣傷人短壽明堂灸五壯鍼

一分素註鍼一寸留七呼灸三壯○主面皮熱上氣欬

逆氣暴喘咽腫咽冷聲破喉中生瘡喉疳疔咯膿血瘡

不能言身寒熱頸腫哮喘喉中鳴翕翕如水雞聲胸中

氣鯁鯁俠舌縫青脉舌下急心與背相控而痛五噎黃

瘴醋心多睡嘔吐瘦瘤○許氏曰此穴一鍼四効凡下

鍼後良久先脾磨食覺鍼動為一効次鍼破病根腹中

作聲為二効次覺流入膀胱為三効然後覺氣流行入

脾後腎堂間為四効矣

此穴之効



廉泉一名古本○頸下結喉下四寸中央仰面取之陰維任脉之會○素註低鍼取之鍼一寸留七呼銅人灸三壯鍼三分得氣即瀉明堂鍼二分○主嗽嗽上氣喘息嘔沫舌下腫難言舌根縮急不食舌縱涎出口瘡

承漿一名縣漿○唇稜下陷中開口取之大腸脉胃脉督脉任脉之會○素註鍼二分留五呼灸三壯銅人灸七壯止七七壯明堂鍼三分得氣即瀉留三呼徐徐引氣而出日灸七壯過七七停四五日後灸七七若一向灸恐足陽明脉斷其病不愈停息復灸令血脉通宣其病立愈○主偏風半身不遂口眼喎斜面腫消渴口齒疳蝕生瘡暴瘡不能言難經曰任之為病其苦內結男子為七疝女子為癥聚

奇經陽蹻脉

陽蹻脉者起於跟中循外踝上行入風池其為病也令人陰緩而陽急兩足蹻脉本太陽之別合於太陽其氣上行氣并相還則為濡目氣不營則目不合男子數其陽女子數其陰當數者為經不當數者為絡也蹻脉長八尺所發之穴生於申脉以輔陽為郄本於僕參與足少陽會於居膠又與手陽明會於肩髃及巨骨又與手足太陽陽維會於臑俞與手足陽明會於地倉又與手足陽明會於巨髃又與任脉足陽明會於承泣凡二十穴

申脉

外踝下屬足太陽經

輔陽

外踝上

僕參

跟骨上

居膠

章門下

肩髃

肩端

巨骨

肩端

臑俞

肩髃後

地倉

口吻傍

巨髃

鼻兩旁

承泣

目下七分



已上諸穴陽蹻脉病者宜刺之

陰蹻脉

陰蹻脉者亦起於跟中循內踝上行至咽喉交貫衝脉此為病者令人陽緩而陰急故曰蹻脉者少陰之別別於然谷之後上內踝之上直上陰循陰股入陰上循胸裏入缺盆上出人迎之前入鼻屬目內眦合於太陽女子以之為經男子以之為絡兩足蹻脉長八尺而陰蹻之却在交信陰蹻病者取此

然谷

足內踝下

交信

內踝上

陰蹻脉病取之二穴刺之

奇經衝脉

衝脉者與任脉皆起於胞中上循脊裏為經絡之海其浮

於外者循腹上行會於咽喉別而絡唇口故曰衝脉者起於氣衝並足少陰之經俠臍上行至胸中而散此為病冷人逆氣而裏急難經則曰並足陽明之經以穴攷之足陽明俠臍左右各二寸而上行足少陰俠臍左右各五分而上行鍼經所載衝任與督脉同起於會陰其在腹也行乎幽門通谷陰都石關商曲盲俞中注四滿氣穴大赫橫骨凡二十二穴皆足少陰之分也然則衝脉並足少陰之經明矣

幽門

巨關旁

通谷

上腕兩旁

陰都

通谷下

石關

陰都下

商曲

石關下

盲俞

商曲下

中注

盲俞下

四滿

中注下

氣穴

四滿下

大赫

氣穴下

橫骨

大赫下

逆氣裏急者取諸此



陽維脉

陽維維於陽其脉起於諸陽之會與陰維皆維絡於身若陽不能維於陽則溶溶不能自收持其脉氣所發別於金門以陽交為却與手足太陽及蹻脉會於臑俞與手足少陽會於天膠又會於肩井其在頭也與足少陽會於陽白上於本神及臨泣上至正營循於腦空下至風池其與督脉會則在風府及瘧門難經云陽維為病苦寒熱○此陽維脉氣所發凡二十四穴

金門

足外

陽交

外

臑俞

肩後

天膠

缺盆

肩井

肩頭

陽白

上

本神

上

臨泣

上

正營

目

腦空

上

風池

後

風府

後

瘧門

後

已上穴苦寒熱者刺之

陰維脉

陰維維於陰其脉起於諸陰之交若陰不能維於陰則悵然失志其脉氣所發者陰維之却名曰築賓與足太陰會於腹哀大橫又與足太陰厥陰會於府舍期門與任脉會於天突廡泉難經云陰維為病苦心痛此陰維脉氣所發凡十二穴

築賓

內

腹哀

日

大橫

腹

府舍

腹

期門

乳

天突

結

廡泉

結

已上穴苦心痛者刺之

帶脉

帶脉者起於季脇回身一周其為病也腰腹縱容如囊水



之狀其脉氣所發正名帶脉以其回身一周如帶也又與足少陽會於維道此帶脉所發凡四穴

帶脉 在季脇下一寸八分 維道

已上穴病如上證者刺之

十五絡脉

手太陰之别名曰列闕

實則手銳掌熱瀉之虛則欠欬小便遺數補之

手少陰之别名曰通里

實則支滿瀉之虛則不能言補之

手心主之别名曰內關

實則節弛肘廢瀉之虛則生肘小如指痲疥補之

手太陽之别名曰支正

實則節弛肘廢瀉之虛則生肘小如指痲疥補之  
手陽明之别名曰偏歷  
實則齒齲聾瀉之虛則齒痺隔補之  
手少陽之别名曰外關  
實則肘攣瀉之虛則不收補之  
足太陽之别名曰飛揚  
實則軌窒頭背痛瀉之虛則軌衄補之  
足少陽之别名曰光明  
實則厥瀉之虛則痿厥坐不能起補之  
足陽明之别名曰豐隆  
氣逆則喉痺卒疝實則狂癲瀉之虛則足不收脛枯補之



足太陰之別名曰公孫

厥氣上逆則霍亂實則腸中切痛瀉之虛則鼓脹補之  
足少陰之別名曰大鐘

其病氣逆則煩悶實則閉癆瀉之虛則腰痛補之  
足厥陰之別名曰蠡濇

其病氣逆則羸九卒痛實則眩長瀉之虛則暴癆補之  
任脉之別名曰屏翳

實則腹皮痛瀉之虛則癢搔補之

督脉之別名曰長強

實則脊強瀉之虛則頸重補之

脾之大絡名曰大包

實則身盡痛瀉之虛則百節盡皆縱補之

凡此十五絡者實則必見虛則必下視之不見求之  
上下人經不同絡脉異所別也

又按胃之大絡名曰虛里其動應衣脉宗氣也而  
不係於補瀉之列蓋中焦之氣盛衰而宗氣為之  
盈縮取之三里以下其氣而宗氣之盈者消調之  
三里以補其氣而宗氣之耗者滋則其氣未嘗不  
補瀉也特以非別走也他經故不在諸絡之例此  
所以舉豐隆而不屬虛里也歟

○十二原穴

三焦行於諸陽故置一俞曰原又曰三焦者水谷  
之道路原氣之別使也主通行三氣經歷五藏六  
府原者三焦之尊號故所至輒為原也



太淵肺 大陵心 太衝肝 太白脾 太谿腎 神門心  
陽池三焦 京骨膀胱 丘墟膽 衝陽胃 合谷大腸 腕骨小腸

按難經云五藏六府之有病者皆取其原王海藏曰假令補肝經於本經原穴補一鍼太衝如瀉肝經於本經原穴亦瀉一鍼餘倣此

自太淵至神門皆為俞自陽池至腕骨為原海藏皆為十二原者豈五藏無原以俞為原六府有原取原而不取俞耶

五藏募穴

中府肺之募 巨闕心之募 章門脾之募 期門肝之募  
中脘胃之募

按難經云陽病行陰故令募在陰腹曰陰募皆在腹東垣曰凡

治腹之募皆為原氣不足從陰引陽勿誤也又曰六淫客邪及上熱下寒筋骨皮肉血脉之病錯取於胃之合及諸腹之募者必危

五藏俞穴

肺俞三推下各一寸半 心俞五推下各一寸半 肝俞九推下各一寸半  
脾俞十一推下各一寸半 腎俞十四推下各一寸半

按難經云陰病行陽皆為陽故令俞在陽人之背○東垣曰天外風寒之邪乘中而入在人之背上府俞藏俞是人之受天外風邪亦有二說中於陽流於經此病始則於外寒終歸外熱以故治風寒之邪治其各藏之俞

八會

府會中脘 歲會章門 筋會陽陵泉 髓會陽輔







